

**DIE BESTE BELANG-MAATSTAF EN DIE KINDERWET 38 VAN 2005:
'N GRONDWETLIKE PERSPEKTIEF**

deur

Jeanne Kalamer

INHOUDSOPGAWE

HOOFSTUK 1	6
INLEIDING EN PROBLEEMSTELLING	
1.1 NAVORSINGSVRAAG	6
1.2 NAVORSINGSMETODOLOGIE	8
1.3 OORSIG OOR STUDIE	8
HOOFSTUK 2	10
DIE ONTWIKKELING VAN DIE BESTE BELANG VAN DIE KIND-MAATSTAF IN DIE SUID-AFRIKAANSE REG	10
2.1 INLEIDING	10
2.2 DIE ONTWIKKELING VAN DIE BESTE BELANG VAN DIE KIND- MAATSTAF IN SUID-AFRIKAANSE REGSPRAAK	
2.2.1 Historiese oorsig	10
2.2.2 Kritiek teen die beste belang-maatstaf	12
2.2.3 Toepassing van die maatstaf en faktore om die maatstaf te bepaal	13
2.3 DIE GRONDWET VAN DIE REPUBLIEK VAN SUID-AFRIKA, 1996 EN DIE BESTE BELANG-MAATSTAF	16
2.3.1 Artikel 28	16
2.3.2 Regspraak en kritiek	18

2.4	GEVOLGTREKKING	23
	HOOFSTUK 3	24
	INTERNASIONALE BEPALINGS	24
3.1	INLEIDING	24
3.2	DIE VERENIGDE NASIES SE KONVENSIE OOR DIE REGTE VAN DIE KIND 1989	24
3.3	DIE AFRIKA HANDVES OOR DIE REGTE EN WELSTAND VAN DIE KIND 1990	26
3.4	DIE HAAGSE KONVENSIE OOR DIE SIVIELE ASPEKTE VAN INTERNASIONALE KINDERONTVOERING 1993	28
3.5	GEVOLGTREKKING	29
	HOOFSTUK 4	31
	DIE KINDERWET 38 VAN 2005	31
4.1	INLEIDING	31
4.2	BEPALINGS MET BETREKKING TOT DIE BESTE BELANG-MAATSTAF	31
4.3	GEVOLGTREKKING	36
	HOOFSTUK 5	38
	DIE BESTE BELANG-MAATSTAF EN FAKTORE: 'N VERGELYKENDE STUDIE	38

5.1	INLEIDING	38
5.2	ENGELAND	38
5.3	AUSTRALIË	40
5.4	AFRIKA-STATE	43
	5.4.1 Uganda	43
	5.4.2 Kenia	44
	5.4.3 Ghana	46
5.5	NOORD AMERIKA	48
	5.5.1 Die Verenigde State van Amerika	48
	5.5.2 Kanada	54
5.6	GEVOLGTREKKING	55
	HOOFSTUK 6	56
	SLOTSOM EN GEVOLGTREKKING	56
6.1	INLEIDING	56
6.2	DIE ONTWIKKELLING VAN DIE BESTE BELANG VAN DIE KIND- MAATSTAF IN DIE SUID-AFRIKAANSE REG	56
6.3	INTERNASIONALE BEPALINGS	58
6.4	DIE KINDERWET 38 VAN 2005	59

6.5	VERGELYKENDE STUDIE TEN OPSIGTE VAN DIE FAKTORE OM DIE BESTE BELANG VAN DIE KIND TE BEPAAL	60
6.6	FINALE GEVOLGTREKKING	63
	BIBLIOGRAFIE	66
	BOEKE	66
	TYDSKRIFARTIKELS	67
	INTERNET	69
	INTERNASIONALE DOKUMENTE	69
	WOORDEBOEKE	69
	ANDER	70
	SAKELYS	71
	WETGEWING	72
	Australië	72
	Engeland	72
	Ghana	72
	Kanada	72
	Kenia	72
	Suid-Afrika	72
	Uganda	72
	Verenigde State van Amerika	73

HOOFSTUK 1

INLEIDING EN PROBLEEMSTELLING

1.1 NAVORSINGSVRAAG

Die beste belang van die kind-maatstaf is 'n gemeenregtelike beginsel wat in die Suid Afrikaanse reg, net soos in talle ander Westerse jurisdiksies, gevestig is as die bepalende faktor met betrekking tot die belange van kinders. Dit is die "goue draad" wat deur alle kwessies met betrekking tot voogdyskap, toegang en toesig¹ van die kind verweef is.² In 1948 is hierdie beginsel deur Suid-Afrikaanse regspraak erken en bevestig. In *Fletcher v Fletcher* is bevestig dat die beste belang-maatstaf die hoofoorweging moet wees met betrekking tot enige kwessies rakende kinders.³

Die Grondwet van die Republiek van Suid-Afrika, 1996 bied nie net uitgebreide beskerming aan kinders deur die omvattende lys van regte in artikel 28(1) van die Handves van Regte nie, maar gee ook erkenning aan die beste belang van die kind-maatstaf in artikel 28(2). Dit bepaal dat "'n kind se beste belang van deurslaggewende belang [is] in elke aangeleentheid wat die kind raak".

Hierdie bepaling stem ooreen met talle internasionale dokumente. Volgens artikel 3 van die Verenigde Nasies se Konvensie oor die Regte van die Kind (1989) moet die beste belang van die kind 'n primêre oorweging wees in alle kwessies rakende die kind.⁴ Dit is duidelik dat die beste belang-maatstaf, soos uiteengesit in die Suid Afrikaanse Grondwet, meer benadruk word as in die Konvensie oor die Regte van die Kind. Alhoewel artikel 28(2), net soos artikel 3 van die Konvensie, die werking van die beste belang-maatstaf uitbrei na alle sake rakende die kind, word die belangrikheid van hierdie beginsel nog meer beklemtoon deur dit "deurslaggewende belang" te gee in alle sake rakende kinders.

¹ In die Kinderwet 38 van 2005 word die term "toegang" met "kontak" vervang en die term "toesig" met "sorg".

² Bekink & Bekink 2004 *De Jure* 22. Sien ook Clark 2000 *Stell LR* 11.

³ *Fletcher v Fletcher* 1948 (1) SA 130 (A) (hierna "die Fletcher-saak").

⁴ Sloth-Nielsen 1995 *SAJHR* 408.

Hierdie benadering is ook gevolg deur die Afrika Handves oor die Regte en Welstand van die Kind (1990), wat bepaal dat die beste belang van die kind die primêre oorweging moet wees.⁵ Die Konvensie oor die Regte van die Kind en die Afrika Handves oor die Regte en Welstand van die Kind is onderskeidelik in 1995 en 2000 deur Suid Afrika bekragtig. Die bepalings van die Haagse Konvensie oor die Siviele Aspekte van Internasionale Kinderontvoering, wat ook die beste belang van die kind vooropstel, is ook in 1996 in Suid Afrikaanse munisipale wetgewing geïnkorporeer.⁶

Die toepassing van die beste belang-maatstaf is al as problematies of kontroversieel beskou. Kritici sien die maatstaf as vaag, onbepaald en onduidelik.⁷ Die feit dat besluitnemers uit verskillende perspektiewe na kwessies rakende die regte en belange van die kind kyk, as gevolg van kulturele, historiese en sosiale verskille, dien verder as punt van kritiek. Of dit as 'n reg of slegs 'n beginsel gesien moet word, word ook deur akademici gedebatteer.⁸

Hoe moet die beste belang van 'n kind dan bepaal word? Almal is dit eens dat die beste belang van die kind 'n feitevraag is wat afhang van die omstandighede van 'n spesifieke saak. Faktore wat in ag geneem moet word, was egter nie altyd duidelik nie. Hoewel geen faktore aanvanklik in wetgewing vasgelê is nie, het houe gepoog om riglyne daar te stel.⁹ In *McCall v McCall*¹⁰ is uiteindelik 'n lys van faktore uiteengesit om die beste belang van die kind te bepaal. Hierdie benadering is deur talle houe gevolg.¹¹ Die lys dien as 'n goeie riglyn en is nie 'n geslote lys nie.

Met die inwerkingtreding van die Grondwet was dit duidelik dat 'n wysiging van alle wetgewing rakende kinders nodig was. 'n Nuwe kinderwet was die resultaat van 'n omvattende ondersoek na die reg met betrekking tot kinders deur die Suid-Afrikaanse Regskommissie,¹² waarna die Kinderwet 38 van 2005¹³ in die lewe geroep is. Die Kinderwet bevestig die beste belang-

⁵ A 4 van die Afrika Handves oor die Regte en Welstand van die Kind; sien ook Davel 2002 *De Jure* 283.

⁶ Bekink & Bekink 2004 *De Jure* 29.

⁷ Heaton 1990 *THRHR* 95.

⁸ Visser 2007 *THRHR* 459.

⁹ *Van Deijl v Van Deijl* 1966 (4) SA 260 (R); *French v French* 1971 (4) SA 298 (W).

¹⁰ *McCall v McCall* 1994 (3) SA 201 (C) (hierna "die *McCall*-saak").

¹¹ Sien onder andere *G v G* 2003 (S) SA 396 (ZH).

¹² South African Law Commission *First Issue Paper on the Review of the Child Care Act* Issue Paper 13 Project 110.

¹³ Hoewel die *Children's Act* 38 of 2005 net in Engels verorden is, word die Afrikaanse benaming ("Kinderwet") in hierdie skripsie gebruik.

maatstaf in kinderregkwessies.¹⁴ Artikel 7(1) bied vir die eerste keer in Suid Afrikaanse wetgewing faktore om besluitnemers te help om hierdie belange te bepaal.¹⁵ Die insluiting van 'n lys van faktore stem ooreen met ander lande (bv Australië, Brittanje, Uganda en sekere state in Amerika) se familieregwetgewing.¹⁶

Die lys in die Kinderwet verskil egter van die “*McCall*-lys”, onder andere in die sin dat die lys in die Kinderwet 'n geslote lys is. Daar is talle ander veranderings wat as sinvol beskou kan word, maar die uiteindelijke vraag is of dit wel voldoen aan die standaard daargestel deur die Grondwet as oppergesag oor alle wetgewing.

Die navorsingsvraag behels dus die volgende: Voldoen Artikel 7(1) van die Kinderwet 38 van 2005 aan internasionale en grondwetlike bepalings, meer spesifiek aan artikel 28(2) van die Grondwet?

1.2 NAVORSINGSMETODOLOGIE

Die voorgestelde navorsing is hoofsaaklik gebaseer op literatuurstudie van boeke, joernaaltydskrifartikel, wetgewing en regspraak. 'n Analise van die Suid-Afrikaanse Grondwet, regsbronne en regspraak sal as fokus dien. 'n Vergelykende studie met betrekking tot die beste belang van die kind-maatstaf in onder andere Australië, Engeland, Kanada, die Verenigde State van Amerika en sekere Afrika lande, sal gedoen word. Die rede vir hierdie vergelykende studie is die feit dat hierdie lande lyste van faktore bevat om die beste belang van die kind te bepaal soortgelyk aan die lys in artikel 7(1) van die Kinderwet.

1.3 OORSIG OOR STUDIE

Die studie is in ses hoofstukke verdeel. Na die inleidende hoofstuk volg hoofstukke twee tot en met vyf, wat as inhoudshoofstukke dien. Hoofstuk ses sluit dan die studie met 'n gevolgtrekking af. Hiermee 'n kort oorsig van hoofstuk twee tothoofstukses:

¹⁴ A 6(2)(a).

¹⁵ A 7(1).

¹⁶ UK Children Act of 1989; Uganda Children Act of 1996 and Australian Family Law Act 1995.

Hoofstuk twee bied 'n historiese oorsig oor die beste belang-maatstaf. Dit word gevolg deur 'n bespreking van die kritiek wat geopper word ten aansien van die maatstaf. Die toepassing van die beste belang-maatstaf in die Suid-Afrikaanse regspraak en die ontwikkeling van faktore in die respraak om die maatstaf te bepaal, dien dan as fokus. Uiteindelik word die Grondwet van Suid-Afrika met spesifieke verwysing van artikel 28(2), sowel as respraak ten aansien van die beste belang-maatstaf na die inwerkingtreding van die Grondwet, ontleed en bespreek.

Suid Afrika het verskeie internasionale dokumente ten aansien van kinderregte geratifiseer. In hoofstuk drie word die Verenigde Nasies se Konvensie oor die Regte van die Kind, die Afrika Handves oor die Regte en Welstand van die Kind en die Haagse Konvensie oor die Siviele aspekte van Internasionale Kinderontvoering dus bespreek. Daar word spesifiek gefokus op die bepalings ten aansien van die beste belang van die kind. Die genoemde internasionale dokumente se onderskeie benaderings ten opsigte van die beste belang-maatstaf word ook vergelyk. Deurentyd word die bepalings ten opsigte van die beste belang van die kind in die Suid-Afrikaanse Grondwet ook gespieël teen die onderskeie dokumente.

In hoofstuk vier word die nuwe Kinderwet 38 van 2005 ondersoek. Eerstens word verskeie bepalings ten opsigte van die beste belang van die kind ontleed. Klem word gelê op die faktore soos gelys in artikel 7(1), en 'n vergelyking van die lys in artikel 7(1) en die *McCall*-lys volg daarop.

Kinderregwetgewing van ander lande, en meer spesifiek die insluiting van statutêre faktore ten aansien van die beste belang-maatstaf, is die fokus van hoofstuk vyf. Die nuwe Suid-Afrikaanse Kinderwet se benadering ten opsigte van die beste belang van die kind-maatstaf word ontleed in die konteks van ander lande se benaderings en 'n vergelykende studie word dus gedoen. Daar word onder andere gefokus op die wetgewing van Engeland, Australië, Kanada, die Verenigde State van Amerika, Ghana, Uganda en Kenia.

Hoofstuk ses is uiteindelik 'n samevatting van die inhoud soos bespreek in hoofstukke een tot en met vyf, en die vraag of artikel 7(1) van die Kinderwet aan internasionale bepalings en die bepalings van die Grondwet, met spesifieke verwysing na artikel 28(2), voldoen, word beantwoord. Dit word gevolg deur aanbevelings en 'n finale gevolgtrekking.

HOOFSTUK 2

DIE ONTWIKKELING VAN DIE BESTE BELANG VAN DIE KIND-MAATSTAF IN DIE SUID-AFRIKAANSE REG

2.1 INLEIDING

In hierdie hoofstuk word die ontwikkeling van die beste belang-maatstaf in die Suid-Afrikaanse reg ondersoek, met spesifieke verwysing na die toepassing daarvan in regspraak voor en na die inwerkingtreding van die finale Grondwet (Grondwet van die Republiek van Suid-Afrika, 1996). Om die nodige agtergrond en aanloop tot die faktore wat ingesluit is in die Kinderwet te gee, word onder meer gefokus op die ontwikkeling van faktore in regspraak om die beste belang-maatstaf te bepaal. Artikel 28(2) van die Grondwet word ook ontleed as riglyn vir wetgewing met betrekking tot kinders en hul regte, spesifiek artikel 7 van die Kinderwet. 'n Verdere punt van bespreking is kritiek teen die beste belang-maatstaf en die toepassing daarvan deur hofe, sowel as kritiek teen die insluiting daarvan in die Grondwet. Die vraag of die beste belang-maatstaf as reg beperk kan word, indien dit teenoor botsende belange te staan kom, word ook ondersoek.

2.2 DIE BESTE BELANG VAN DIE KIND-MAATSTAF IN SUID-AFRIKAANSE REGSPRAAK

2.2.1 Historiese oorsig

Die beste belang-maatstaf blyk gewortel te wees in die Romeins-Hollandse beginsel ingevolge waarvan voogdyskap van 'n kind beslis word deur en afhang van die diskresie van 'n regter.¹⁷ Gevolglik vorm hierdie maatstaf al jare lank deel van die Suid-Afrikaanse gemene reg in gevalle waar die hof as oppervoog van minderjariges besluite moet neem rakende die minderjariges se voogdyskap. Reeds in 1881 en in die vroeë 1900's is daar melding gemaak in hofsake van die feit dat die belange van die kind die primêre oorweging moet wees in kwessies rakende kinders.¹⁸ Die feit dat die hof se gesag met oerlike gesag in te meng beperk is, deurdat die hof slegs in uitsonderlike gevalle met oerlike gesag kon inmeng, soos wanneer die kind se lewe

¹⁷ Bonthuys 1997 *SAJHR* 622.

¹⁸ *Simey v Simey* 1881 (1) SC 171; *Cronje v Cronje* 1907 TPD 871.

in gevaar is, het 'n mate van onsekerheid geskep.¹⁹ In 1948 het die Appèlafdeling in die *Fletcher*-saakegter bevestig dat die beste belang van die kind die belangrikste faktor is in kwessies rakende toegang²⁰ en voogdyskap.²¹ In hierdie saak moes die hof beslis oor voogdyskap van 'n minderjarige, en wat in die beste belang van die kind sou wees. Weens die appellant se egbreuk het sy voogdyskap van haar kind tydens die egskeidingsprosedure verloor. Gevolglik het sy teen hierdie beslissing geappelleer. Die hof het bevestig dat die regte van die ouers, en hulleskuld of onskuld met betrekking tot egskeiding, nie die hoofoorweging moet wees nie, maar slegs een van die faktore wat die hof in aanmerking neem. CentlivresR sê dat “the question of innocence comes into account only when it is not clear what is best for the children”.²²

Die regter verwys verder na Solomon R se woorde in *Cronje v Cronje* dat “[i]n all cases the main consideration for the Court in making an order for the custody of the children, is, what is best in the interests of the children themselves”.²³ CentlivresR voeg by “[w]hat is really in issue in all custody cases is the interests of the child itself.”²⁴

In daaropvolgende sake is dieselfde benadering gevolg. In *Shawzin v Laufer*²⁵ is die rol en die plig van die hof om die beste belang van die kind as hoofoorweging te behandel in kwessies rakende kinders, bevestig deur Rumpff AR:²⁶

“In view of the circumstances of this case, I think it necessary to make a few comments on the duty of the Court sitting as upper guardian of minor children, when it has to resolve a dispute concerning custody. To the Court, as upper guardian, the problem of custody is somewhat a singular subject, in which there is substantially one norm to be applied, namely the predominant interests of the child...”

¹⁹ *Calitz v Calitz* 1939 AD 56; Bonthuys 1997 SAJHR 622.

²⁰ In die Kinderwet 38 van 2005 word die term “toegang” vervang met die term “kontak”.

²¹ 1948 (1) SA 130 (A).

²² 1948 (1) SA 134 (A) 132.

²³ 1948 (1) SA 133 (A) 133.

²⁴ 1948 (1) SA 134 (A) 134.

²⁵ *Shawzin v Laufer* 1968 (4) SA 657 (A).

²⁶ *Shawzin v Laufer* 1968 (4) SA 657 (A) 660G-H.

2.2.2 Kritiek teen die beste belang-maatstaf

Alhoewel dit in meeste Westerse jurisdiksies aanvaar word as die maatstaf wat gebruik moet word met betrekking tot kwessies rakende kinders, is die beste belang-maatstaf nie gevrywaar van kritiek nie. Dit word gesien as onbepaald en vaag. Volgens Heaton lê die onbepaalde karakter in die feit dat al die opsies, en alle moontlike resultate, nie bekend kan wees wanneer besin word oor die belang van 'n kind nie.²⁷ Verdere punte van kritiek wat deur Heaton aangespreek word, is die onsekerheid oor watter faktore in ag geneem moet word om die maatstaf te bepaal en indien faktore geïdentifiseer kan word, watter die meeste gewig dra; die vraag of die beste belang van die kind uit 'n subjektiewe of objektiewe oogpunt benader moet word en die uitdaging om te fokus op die kind se korttermyn, mediumtermyn en langtermyn-belange.²⁸ Heaton voer aandaat:

“No child’s best interests can, or should be, established with reference merely to the short or medium or long term. In search for the child’s best interests attention ought to be paid to the short-term, medium-term and long-term consequences a particular decision would have for the child.”²⁹

Sy gee toe dat dit nie moontlik is om die beste belang-beginsel te definieer nie “because the concept cannot have a fixed meaning and content that are valid for all communities and all circumstances.”³⁰

Heaton vergelyk die beste belang-maatstaf met die werking van die *boni mores*-beginsel wat dan in 'n sin die toepassing van die beste belang-maatstaf, ten spyte van sy onbepalende karakter, verskoon. *Boni mores* is ook redelik onbepaald en vaag, maar nie onmoontlik om toe te pas nie.³¹

Die regter se diskresie met betrekking tot die beste belang-maatstaf is ook deur akademici as problematies beskou. Die beste belang-maatstaf blyk “onpartydig” te wees, maar tog word dit oorskadu deur 'n resultaat en beslissing wat afhang van die sosiale en kulturele waardes van

²⁷ Heaton 1990 *THRHR* 95.

²⁸ Heaton 1990 *THRHR* 96, 97.

²⁹ Heaton 1990 *THRHR* 97.

³⁰ Heaton 1990 *THRHR* 98.

³¹ Heaton 1990 *THRHR* 98.

die tyd. Dit kan lei tot diskriminasie en vooroordeel.³²Die feminis Martha Finemanmeen dat die beste belang-beginsel“created a climate in which ideological reforms based on faulty social science ...undercut women’s ability to retain custody at divorce...”³³

*Van Rooyen v Rooyen*³⁴dien as voorbeeld van die toepassing van die beste belang-maatstaf wat oorskadu word deur ‘n regter se moontlike vooroordeel. In ‘n voogdyskapsaak is die moeder se lesbiese leefstyl onder die vergrootglas geplaas, wat uiteindelik die bepalende faktor blyk te gewees het in die regter se beslissing. Daar is beslis dat dit in die beste belang van ‘n kind is om beskerm te word teen blootstelling aan die moeder se leefstyl wat potensieelgevaarlik kan wees. Berus die beslissing op morele oortuiging of is dit gegrond op goed deurdagte regsargument?

Daar is ook die vraag of die beste belang-maatstaf sy plek kan volstaan in ‘n multikulturele konteks. Die kritiek is dat die belang van die kind meer waarde dra as dié van familie en die kollektiewe belang en die familie-eenheid sodoende in ‘n mate ondermyn.³⁵In die Suid-Afrikaanse konteks is daar die uitdaging om die verskil tussen die Westerse en Afrika-benadering te versoen. Die inheemse reg fokus op die gemeenskap eerder as die individu.³⁶ Die beste belang-maatstaf fokus op die kind as individu. Is die twee wêreldes versoenbaar? Daar is al voorgestel dat die beste belang-maatstaf met ‘n maatstaf vervang word wat fokus op menslike interafhanklikheid.³⁷

Die feit dat die beste belang-maatstaf ook deel uitmaak van die finale Grondwet lei, tot verdere kontroversie onder akademici. Die debat wat ontketen word, fokus op die vraag of die beste belang-maatstaf slegs ‘n waardevolle en sinvolle beginsel is en of dit ‘n afdwingbare reg is.³⁸

2.2.3 Toepassing van die maatstaf en faktore om die maatstaf te bepaal

Nadat die beste belang-maatstaf in die *Fletcher*-saak as die hoofoorweging in sake met betrekking tot voogdyskap, toesig³⁹ en toegang bevestig is, is hierdie benadering in

³² Bonthuys 2006 *International Journal of Law, Policy and the Family* 1.

³³ Soos aangehaal in Woodhouse 1999 *Family Law Quarterly* 820.

³⁴ *Van Rooyen v Van Rooyen* 1999 (4) SA 435 (C).

³⁵ Woodhouse 1999 *Family Law Quarterly* 821.

³⁶ Mosikatsana 1998 *Michigan Journal of Race and Law* 346.

³⁷ Woodhouse 1999 *Family Law Quarterly* 821.

³⁸ Sien bespreking onder 2.2.

daaropvolgende sake gevolg. In *F v L*,⁴⁰ waar die applikant die hof genader het vir 'n toegangsbevel, sowel as 'n bevel wat hom as die biologiese vader van die kind erken, het Harmse R die beste belang van die kind in gedagte gehou deur te noem dat so 'n bevel "may not only be devastating for the child, but will have serious legal consequences...".

In *Tromp v Tromp*⁴¹ is beslis dat dit in die belang van die kinders is om by hul moeder te bly aangesien hul steeds baie jonk is, en Henochsberg R bevestig "that in all the circumstances their interests are paramount...".

Die vraag is egter, indien die beste belang-maatstaf nie maklik definieerbaar is nie, hoe moet dit dan deur die hof en selfs ander rolspelers⁴² bepaal word? Dit is duidelik dat dit 'n feitevraag is wat afhang van die omstandighede van elke saak.

In *B v E*,⁴³ wat oor 'n vaderskapsgeskil gehandel het, is bevestig dat daar na die "relevante feite en omstandighede van elke geval gekyk word om te bepaal wat die beste belang van die minderjarige is".

In die hof se beslissing oor 'n vader se aansoek omtoegang in *Tromp*,⁴⁴ word die regter se besluit op grond van die feite en die unieke omstandighede van die saak geneem: "In the light of ...the facts of this case it seems to me, that we are justified in taking all the circumstances into account".

Hoewel die unieke faktore van elke saak ruimte bied vir 'n wye regterlike diskresie, is daar tog gepoog om riglyne daar te stel. In *Van Deijl v Van Deijls* die ekonomiese, sosiale, morele en godsdienstige belange van die minderjarige as allesomvattend beskou met betrekking tot die minderjarige se welstand, sowel as die minderjarige se emosionele behoeftes en die ouer kind se eie opinies en wense.⁴⁵ Ook in *French v French* is die kind se belang bepaal deur vier

³⁹ In die Kinderwet 38 van 2005 word die term "toesig" vervang met die term "sorg".

⁴⁰ *F v L* 1987 (4) SA 525 (W).

⁴¹ *Tromp v Tromp* 1956(4) SA 738 (N) (hierna "die *Tromp*-saak").

⁴² Volgens die Mediation in Certain Divorce Matters Act 24 of 1987 is die posisie van die gesinsadvokaat geskep met die doel om die beste belang van die kind te bepaal en om aanbevelings te maak.

⁴³ *B v E* 1992 (3) SA 438 (T).

⁴⁴ 1956 (4) SA 738 (N).

⁴⁵ *Van Deijl v Van Deijl* 1966 (4) SA 260 (R) (hierna "die *Van Deijl*-saak").

kategorieë oorweeg.⁴⁶ Die eerste kategorie fokus op die minderjarige se sekerheidsgevoel, terwyl die tweede fokus op die geskiktheid van die voog met inagneming van sy of haar karakter, godsdiens, taal en sy of haar vermoë om die minderjarige te steun in sy morele, kulturele en geestelike ontwikkeling. Die derde kategorie fokus op materiële vermoëns en die laaste katagorie op die wense van die kind.⁴⁷ Akademië poog ook om faktore vas te stel om die beste belang-maatstaf te bepaal.⁴⁸

Vir die eerste keer is daar egter in *McCall*,⁴⁹ waar voogdyskap van kinders bepaal moes word, gepoog om 'n uitgebreide lys van faktore daar te stel, wat as riglyn kon dien in die bepaling van die beste belang van die kind. King R blyk in 'n mate erkenning te gee aan van die oorwegings in *Van Deijl*,⁵⁰ sowel as die tweede en derde kategorieë in *French*,⁵¹ as hy sê: "In determining what is in the best interests of the child, the Court must decide which of the parents is better able to promote and ensure his physical, moral, emotional and spiritual welfare."

Die dertien faktore, soos uiteengesit in geen volgorde van belangrikheidsdeur King R, is:⁵²

- (a) the love, affection and other emotional ties which exist between parent and child and the parent's compatibility with the child;
- (b) the capabilities, character and temperament of the parent and the impact thereof on the child's needs and desires;
- (c) the ability of the parent to communicate with the child and the parent's insight into understanding of and sensitivity of the child's feelings
- (d) the capacity and disposition of the parent to give the child the guidance which he requires
- (e) the ability of the parent to provide for the basic physical needs of the child, the so-called 'creature comforts', such as food, clothing, housing and the other material needs – generally speaking, the provision of economic security
- (f) the ability of the parent to provide for the educational well-being and security of the child, both religious and secular;

⁴⁶ *French v French* 1971 (4) SA 298 (W) 298 (hierna "die French-saak").

⁴⁷ Davel & Skelton (eds) *Commentary on the Children's Act* 7.

⁴⁸ Boniface *Revolutionary Changes to the Parent-Child Relationship in South Africa, with Specific Reference to Guardianship, Care and Contact* 325 (ongepubliseerde proefskrif); Hoffman & Pincus stel veertien faktore voor om in ag te neem in *Law of Custody* 17-18.

⁴⁹ 1994 (3) SA 201 (C).

⁵⁰ 1966 (4) SA 260 (R).

⁵¹ 1971 (4) SA 298 (W).

⁵² 1994 (3) SA 201 (C) 205A-F.

- (g) the ability of the parent to provide for the child's emotional, psychological, cultural and environmental development;
- (h) the mental and physical health and moral fitness of the parent;
- (i) the stability or otherwise of the child's existing environment, having regard to the desirability of maintaining the status quo;
- (j) the desirability or otherwise of keeping siblings together;
- (k) the child's preference, if the Court is satisfied that in the particular circumstances the child's preference should be taken into account;
- (l) the desirability or otherwise of applying the doctrine of same sex matching, particularly here, whether a boy of 12 should be placed in the custody of his father; and
- (m) any other factor which is relevant to the particular case with which the Court is concerned.

Alhoewel bogenoemde 'n bepaalde lys van kriteria is, bied dit steeds 'n wye diskresie; aangesien dit nie 'n geslote lys is nie, maar daarspesifiek bepaal word dat enige ander faktore wat relevant is vir 'n spesifieke saak, deur die hof in ag geneem kan word.

2.3 DIE GRONDWET VAN DIE REPUBLIEK VAN SUID-AFRIKA, 1996 EN DIE BESTE BELANG-MAATSTAF

2.3.1 Artikel 28

Met die inwerkingtreding van die finale Grondwet word 'n nuwe era met betrekking tot kinderregte in Suid-Afrika ingewy.⁵³ Die Handves van Regte bied nie net beskerming aan individue nie, maar spesifieke beskerming word verleen aan kinders.⁵⁴

In artikel 28(1) word spesifieke regte met betrekking tot kinders gelys.⁵⁵ Kinders geniet dus wye beskerming, want hul word nie net beskerm deur die regte genoem in artikel 28(1) nie, maar die

⁵³ Die sogenaamde "Children's Summit" is in Mei 1992 in Kaapstad gehou en die "Children's Charter of South Africa" is aanvaar.

⁵⁴ A 28 van die Handves van Regte.

⁵⁵ A 28 (1):

Elke kind het die reg-

- (a) op 'n naam en nasionaliteit vanaf geboorte;
- (b) op gesinsorg of ouerlike sorg, of op gepaste alternatiewe sorg wanneer die kind uit die gesinsomgewing weggeneem word;
- (c) op basiese voeding, skooling, basiese gesondheidsorgdienste en maatskaplike dienste;
- (d) om teen mishandeling, verwaarlosing, misbruik of vernedering beskerm te word;
- (e) om teen uitbuitende arbeidspraktyke beskerm te word;

meeste van die regte in die Handves van Regte is ook van toepassing op kinders.⁵⁶ Artikel 28(2) gaan 'n stap verder deurte bepaal dat“n kind se beste belang van deurslaggewende belang [is] in elke aangeleentheid wat die kind raak.” Hierdie bepaling gee grondwetlike erkenning aan die gemeenregtelike beste belang-maatstaf en is ook in pas met internasionale tendense.⁵⁷

Artikel 30(3) van die Interim Grondwet⁵⁸ was meer beperkend. Dit het bepaal dat “[f]or the purposes of this section...in all matters concerning a child his or her best interest shall be paramount”.

Uit bogenoemde bepaling blyk dit of die kind se belang net deurslaggewend is met betrekking tot artikel 30.⁵⁹ Dit is duidelik dat artikel 28(2) die beskerming van die kind veel wyer bedoel. Die kind se belang is deurslaggewend “in elke aangeleentheid wat die kind raak”. Dit wil sê dat die belang van die kind nie net as belangrik oorweeg moet word in voogdy- en toesigsake nie, maar in enige anderaangeleentheid rakende die kind. Kwessies rakende kinders se gesondheid en lewe,⁶⁰ godsiens⁶¹ of selfs opvoeding⁶² val dus onder die spektrum van hierdie subartikel.

-
- (f) om nie verplig of toegelaat te word om werk te verrig of dienste te lewer nie wat-
 - (i) onvanpas is vir 'n persoon van daardie kind se ouderdom; of
 - (ii) 'n risiko vir die kind se welsyn, opvoeding, liggaamlike of geestelike gesondheid of geestelike, morele of sosiale ontwikkeling inhou;
 - (g) om nie aangehou te word nie, behalwe as laaste uitweg in watter geval, benewens die regte wat 'n kind kragtens artikels 12 en 35 geniet, die kind slegs vir die kortste gepaste tydperk aangehou mag word, en die reg het om –
 - (i) afsonderlik van aangehoudenenes bo die ouderdom van 18 jaar aangehou te word; en
 - (ii) op 'n wyse behandel te word, en in omstandighede aangehou te word, wat met die kind se ouderdom rekening hou;
 - (h) om, in siviele verrigtinge wat die kind raak, deur die staat op staatskoste van 'n regspraktisyn voorsien te word indien dit andersins tot wesenlike onreg sou lei; en
 - (i) om nie regstreeks in gewapende stryd gebruik te word nie, en om in tye van gewapende stryd beskerm te word.

⁵⁶ Kinders het ook bv die reg op gelykheid, lewe, opvoeding, ensovoorts. Kinders het egter nie die reg om te stem nie, aangesien a 19(3) hierdie reg spesifiek beperk tot elke volwasse burger.

⁵⁷ Sien hoofstuk 3 en 5 se bespreking oor internasionale konvensies en internasionale vergelykende wetgewing.

⁵⁸ Grondwet van die Republiek van Suid-Afrika, 1993.

⁵⁹ Cockrell *Bill of Rights Compendium* 3E19.

⁶⁰ *Hay v B* 2003 (3) SA 492 (W).

⁶¹ *Kotze v Kotze* 2003 (3) SA 628 (T).

⁶² *Laerskool Middelburg v Departementshoof, Mpumalanga Department van Onderwys* 2003(4) SA 160 (T).

Die feit dat die kind se belang as deurslaggewend beskou word, versterk verder die kind se beskerming. “Deurslaggewendebelang”beteken“uiterste en hoogste” belang. Volgens die HAT⁶³ is deurslaggewend “oorwig wat ‘n skaal laat oorhel” en dit is “beslissend”.⁶⁴Dit impliseer dat in ‘n botsing van belange die kind se belang moontlik die meeste gewig sal dra.

2.3.2 Regspraak en kritiek

Talle hofsake rakende die belange van kinders, waarin die howe die belang van die kind in die konteks van artikel 28 moes benader en interpreteer, het na die inwerkingtreding van die finale Grondwet gevolg. In *Grootboom v Oostenberg Municipality*⁶⁵ is bevestig dat die insluiting van die beste belang-maatstaf as deel van die regte van kinders, kan dien as “a benchmark in the review of all proceedings in which decisions are taken regarding children”.

In *Minister for Welfare and Population Development v Fitzpatrick*⁶⁶ is artikel 18(4)(f)⁶⁷ van die Wet op Kindersorg⁶⁸ deur die hof as onkonstitusioneel verklaar in soverre dit met artikel 28 bots. Die beste belang-maatstaf in artikel 28(2) is as ‘n reg onafhanklik van dieregte in artikel 28(1) bevestig:

“Section 28(1) is not exhaustive of children’s rights. Section 28(2) requires that a child’s best interests have paramount importance in every matter concerning the child. The plain meaning of the words clearly indicates that the reach of section 28(2) cannot be limited to the rights enumerated in section 28(1) and section 28(2) must be interpreted to extend beyond those provisions. It creates a right that is independent of those specified in section 28(1).”⁶⁹

Dit staan in kontras met die interpretasie in *Jooste v Botha*,⁷⁰ waar dit blyk of die beste belang-maatstaf nie as ‘n reg erken is maar eerder as ‘n riglyn:

⁶³ Verklarende Handwoordeboek van die Afrikaanse Taal.

⁶⁴ Odendal (red) *Verklarende Handwoordeboek van die Afrikaanse Taal* 149.

⁶⁵ *Grootboom v Oostenberg Municipality* [2000] 3 BCLR (C) 2881.

⁶⁶ *Minister for Welfare and Population Development v Fitzpatrick*[2000] 7 BCLR 713 (CC), 2000 (3) SA 422 (CC).

⁶⁷ Volgens a 18(4)(f) kan die aanneming van ‘n kind (gebore’n Suid-Afrikaanse burger), nie toegestaan word aan ‘n persoon wat nie Suid-Afrikaanse burgerskap het of aan’n persoon wat wel kwalifiseer vir Suid-Afrikaanse burgerskap maar nog nie aansoek gedoen het vir ‘n sertifikaat van naturalisasie.

⁶⁸ Wet op Kindersorg 74 v 1983.

⁶⁹ *Minister for Welfare and Population Development v Fitzpatrick*[2000] 7 BCLR 713 (CC), 2000 (3) SA 422 (CC) par [17].

⁷⁰ *Jooste v Botha* 2000 (2) SA 199 (T).

"[S] 28(2) has a much wider formulation. Its wide formulation is ostensibly so all-embracing that the interest of the child would override all other legitimate interests That can clearly not have been intended. In my view, this provision is intended as a general guideline and not as a rule of horizontal application."⁷¹

Goldstone R voer verder aan dat "...the standard should be flexible as individual circumstances will determine which factors secure the best interest of a particular child."⁷²

In *Bannatyne v Bannatyne*⁷³ moes die Konstitusionele Hof bepaal of die Hoogste Hof van Appèl, met 'n aansoek om die afdwinging van 'n onderhoudsbevel, die beste belang van die kind genoeg gewig laat dra het. Mokgoro R bevestig dat die reg van 'n kind om onderhoud vervat is in artikel 28 van die Grondwet.⁷⁴

In *Kotze v Kotze*⁷⁵ het die hof geweier om 'n gedeelte van 'n egskeidingsooreenkoms te bekragtig. Die ooreenkoms het bepaal dat die kind spesifieke godsdienstige onderig deur beide ouers sou ontvang. Met inagneming van artikel 15 van die Grondwet, wat godsdiensvryheid waarborg, en met verwysing na artikel 28(2), is bepaal dat die ooreenkoms nie in die beste belang van die kind was nie.

Met die vonnisoplegging van 'n ouer en meer spesifiek, die primêre voog, is die beste belang van die kind ook oorweeg in die lig van artikel 28(2) in *S v M*⁷⁶. Die hof bevestig dat die beste belang-maatstaf nie meer net beperk is tot sake wat voortvloei uit egskeidings nie: "In our new constitutional order, however, the scope of the best interests principle has been greatly enlarged."

Met die beste belang van die kind as deurslaggewende maatstaf in beslissings rakende kinders, is die vraag of hierdie reg beperk kan word. In *Sonderup v Tondelli*⁷⁷ is hierdie vraag bevestigend beantwoord. Die Gesinsadvokaat se aansoek in terme van artikel 12 van die

⁷¹ *Jooste v Botha* 2000 (2) SA 199 (T) 210C-D.

⁷² *Minister for Welfare and Population Development v Fitzpatrick*[2000] 7 BCLR 713 (CC), 2000 (3) SA 422 (CC) par [18].

⁷³ *Bannatyne v Bannatyne (Commission for Gender Equality, as Amicus Curiae)* 2003 (2) SA 363 (CC).

⁷⁴ 2003 (2) SA 363 (CC) 374.

⁷⁵ 2003 (3) SA 628 (T).

⁷⁶ *S v M* 2008 (3) SA 232 (CC).

⁷⁷ *Sonderup v Tondelli* 2001 (1) SA 1171 (CC).

Haagse Konvensie⁷⁸ vir 'n kind se terugkeer na Kanada, nadat die moeder haar na Suid-Afrika gebring het, is deur die moeder teengestaan op grond van die feit dat so 'n aansoek teen die beste belang van die kind sou wees en dus ook onkonstitusioneel in terme van artikel 28(2) van die finale Grondwet. Nadat die aansoek deur die Provinsiale Afdeling toegestaan is, het die moeder toestemming gekry om te appelleer na die Konstitusionele Hof. Goldstone Rnoem dat die Haagse Konvensie wel die beste belang van die kind in voogdyskapsake erken, maar voeg by dat die korttermyn-belange van die kind ondermyn kan word indien sy onmiddellik teruggestuur word.⁷⁹ Daar kan dus geargumenteer word dat die Haagse Konvensie bots met artikel 28(2) van die Grondwet in soverre dit die korttermyn-belang van die kind beperk. Hy gaan voort deur te oorweeg of so 'n beperking regverdigbaar is in terme van artikel 36 van die Grondwet, deur spesifiek te fokus op die doel van die beperking, sowel as die verhouding tussen die doel en die beperking. Die gevolgtrekking is dat die beperking geregverdig is in 'n oop en demokratiese samelewing, en dat die bepalinge van die Konvensie dus wel in lyn is met die Grondwet.⁸⁰

Die hof moes in daaropvolgende sake nie net bepaal of die beste belang-maatstaf as reg beperk kon word nie, maar hul moes ook beslis oor spesifieke gevalle waar die beste belang-maatstaf bots met ander belange en regte. In *De Reuck v Director of Public Prosecutions*⁸¹ was daar oënskynlik botsende belange. Die applikant het aangevoer dat artikel 27(1) van die Wet op Films en Publikasies 65 van 1996, wat die vervaardiging, verspreiding en besit van kinderpornografie verbied, sy grondwetlike reg op privaatheid en vryheid van spraak en gelykheid skend. Daar is spesifiek deur die staat verwys na artikel 28(2) van die Grondwet, wat bepaal dat "n kind se beste belang van deurslaggewende belang is in elke aangeleentheid wat die kind raak". Langa DCJ bevestig dat die kind se beste belang as reg wel beperk kan word en dat dit nie verhewe is bo ander botsende belange of regte nie, aangesien dit net nog 'n grondwetlike reg is en "constitutional rights are mutually interrelated and interdependent and form a single constitutional value system".⁸² Langa gaan voort om te bepaal of die beperking op die regte van die applikant regverdigbaar is in 'n oop en demokratiese gemeenskap in terme

⁷⁸ "Where a child has been wrongfully removed or retained in terms of Article 3 and, at the date of the commencement of the proceedings before the judicial or administrative authority of the Contracting State where the child is, a period of less than one year has elapsed from the date of the wrongful removal or retention, the authority concerned shall order the return of the child forthwith".

⁷⁹ 2001 (1) SA 1171 (CC) 1184.

⁸⁰ 2001 (1) SA 1171 (CC) 1186.

⁸¹ *De Reuck v Director of Public Prosecutions, Witwatersrand Local Division* 2004 (1) SA 406 (CC).

⁸² 2004 (1) SA 406 (CC) 432 par [55].

van die faktore daargestel deur artikel 36 van die Grondwet. Daar word onder andere geïk na die aard van die reg, die belangrikheid van die doel van die beperking en die aard van die beperking. Langa bevestig dat artikel 27 ten doel het om kinders te beskerm as hy sê: “The chief purposes of the statutory prohibitions against child pornography is to protect the dignity, humanity and integrity of children.”⁸³ Daar word uiteindelik beslis dat die regte van die applikant wel beperk word deur die verbod op kinderpornografie, maar dat hierdie beperking regverdigbaar is in die lig van die belang van die doel van die beperking, naamlik die beskerming van kinders. Artikel 28(2) was dus nie die beperkende faktor nie, maar eerder ‘n bepalende faktor, want die beste belang van die kind het die beperking op die applikant se reg tot privaatheid, gelykheid en vryheid van spraak geregverdig.

In *S v M*⁸⁴ moes die Konstitusionele hof uitspraak lewer oor die verpligting wat rus op die hof wat ‘n vonnis oplê, waar die beskuldigde ‘n primêre versorger van ‘n minderjarige kind is, met spesifieke verwysing na artikel 28(2) van die Grondwet. ‘n Ma, ‘n enkelouer van 3 seuns, is na ‘n vorige skuldigbevinding en opgeskorte vonnis weer skuldig bevind aan bedrog en gevonnisd tot 4 jaar tronkstraf. Die botsende belange ter sprake was die reg van kinders op ouerlike sorg⁸⁵ sowel as die beste belang van die kind aan die een kant, en die reg van die gemeenskap om teen die gevolge van misdaad beskerm te word aan die ander kant. Sachs J verwys na die deurslaggewendheid van die beste belang van die kind, soos beskerm in artikel 28(2) van die Grondwet, en bevestig die beste belang as ‘n reg. “...the question is not whether section 28 creates enforceable legal rules which it clearly does, but what reasonable limits can be imposed on their application.”⁸⁶ Hy bespreek dan verder die insluiting van “deurslaggewend” in artikel 28(2).

“Once more one notes that the very expansiveness of the paramountcy principle creates the risk of appearing to promise everything in general while actually delivering little in particular.”⁸⁷

Daar word verder verwys na kritiek teen die beste belang-maatstaf as onbepalend en vaag, maar Sachs J sê dat “indeterminacy of outcome is not a weakness” en “to apply a predetermined formula for the sake of certainty, irrespective of the circumstances, would in fact be

⁸³ 2004 (1) SA 406 (CC) par [63].

⁸⁴ 2008 (3) SA 232 (CC).

⁸⁵ A 28(1).

⁸⁶ 2008 (3) SA 232 (CC) par [14].

⁸⁷ 2008 (3) SA 232 (CC) par [23].

contrary to the best interests of the child concerned.”⁸⁸ In lig van die uitsprake in *De Reuck* en *Sonderup*, noem Sachs J dat die deurslaggewendheid van die beste belang van die kind nie beteken dat hierdie belange absoluut is nie, en dus wel beperk kan word.⁸⁹ Volgens Sachs J is daar nie ‘n formule wat die regte resultaat kan waarborg waar daar botsende belange ter sprake is nie,⁹⁰ maar “a balancing exercise has to be undertaken on a case-by-case basis. It becomes a matter of context and proportionality.”⁹¹ Daar is beslis dat die streekshof, sowel as die hoë hof, nie voldoende aandag gegee het aan die opweging van die onderskeie belange nie, en die applikant se appèl is toegestaan. Die applikantse tronkstraf is opgeskort vir vier jaar en sy is onder korrektiewe toesig geplaas.

Die insluiting van artikel 28(2) in die Grondwet is nie sonder kontroversie nie. Is die beste belang-maatstaf ingesluit om te help om die ander regte van kinders te interpreteer of om die raamwerk van ander fundamentele regte te bepaal, of is dit ‘n fundamentele reg opsigself?⁹² Bonthuys stel verdere moontlikhede voor, naamlik dat die beste belang-maatstaf kan funksioneer as ‘n konstitusionele waarde of as ‘n regsreël of slegs as ‘n riglyn.⁹³ Sy voer verder aan dat die Konstitusionele Hof se toepassing van die beste belang-maatstaf onkonsekwent is. In sommige gevalle word dit as ‘n beginsel aangespreek en in ander gevalle as ‘n onafhanklike reg.⁹⁴ Verdere kritiek is dat in sekere sake rakende kinders daar geensins na die beste belang-maatstaf verwys word nie.⁹⁵ Die vraag word ook gevra of dit enigsins nodig is vir die hof om gebruik te maak van die beste belang-maatstaf, aangesien daar meer direkte kinderregte in sekere sake van toepassing is.⁹⁶ Heaton verwys ook na die feit dat in sommige sake slegs na “art 28” verwys word, en dat daar nie onderskeid tussen subartikels (1) en (2) gemaak word nie.⁹⁷ Ongeag of die beste belang-maatstaf as regsreël of beginsel funksioneer en ten spyte van die kritiek ten op sigte van die hoewe se toepassing, is die insluiting daarvan in die Suid-

⁸⁸ 2008 (3) SA 232 (CC) par [24].

⁸⁹ 2008 (3) SA 232 (CC) par [26].

⁹⁰ 2008 (3) SA 232 (CC) par [36].

⁹¹ 2008 (3) SA 232 (CC) par [37].

⁹² Friedman & Pantazis “Children’s Rights” in Woolman et al (eds) *Constitutional Law of South Africa* 47 – 22. Sien ook Bonthuys 2006 *International Journal of Law, Policy and the Family* 5.

⁹³ Bonthuys 2006 *International Journal of Law, Policy and the Family* 5.

⁹⁴ *Du Toit v Minister of Welfare and Population* 2003 (2) SA 198 (CC) par [20]; *Minister for Welfare and Population Development v Fitzpatrick* 2000 (BCLR) 713 (CC) par [17].

⁹⁵ Bonthuys 2006 *International Journal of Law, Policy and the Family* 9.

⁹⁶ Bonthuys 2006 *International Journal of Law, Policy and the Family* 8. (Bv in *Du Toit v Minister of Welfare* par [22], [26] en [37] is eerder gefokus op die reg op gelykheid en waardigheid van die ouer in plaas van die beste belang van die kind.)

⁹⁷ Heaton *South African Family Law* 278.

Afrikaanse Grondwet, soos reeds genoem, in pas met internasionale konvensies.⁹⁸ In die Suid-Afrikaanse konteks van hoë egskeidingssyfers, armoede, gesinsgeweld en HIV, is die beginsel ook myns insiens 'n sinvolle invoeging in 'n Grondwet wat die beskerming van kinders as prioriteit daarstel en bekragtig.

2.4 GEVOLGTREKKING

Dit is duidelik dat die beste belang-maatstaf sterk gewortel is in die Suid-Afrikaanse reg. Alhoewel die toepassing van hierdie maatstaf as problematies beskou kan word, blyk dit dat hierdie beginsel, ten spyte van die kritiek daarteen, tog die erkende maatstaf is en sal bly ten opsigte van besluitneming wat kinders raak. Die insluiting van hierdie maatstaf in die Grondwet versterk verder die werking daarvan, maar verhoog dit nie tot 'n absolute reg nie, en dit is duidelik dat dit soos enige ander reg in die Handves van Regte beperk kan word.

⁹⁸ A 3 van die Verenigde Nasies se Konvensie oor die Regte van die Kind (1989); a 4 van die Afrika Handves oor die Regte en Welstand van die Kind (1990).

HOOFSTUK 3 INTERNASIONALE BEPALINGS

3.1 INLEIDING

Artikel 39 van die Grondwet verplig howe, tribunale en forums om internasionale reg in ag te neem.⁹⁹ Waardes en beginsels deur internasionale konvensies neergelê, moet dus as riglyn dien in hofbeslissings en beleidoorweging. Die Verenigde Nasies se Konvensie oor die Regte van die Kind, die Afrika Handves oor die Regte en Welstand van die Kind en die Haagse Konvensie oor die Siviele Aspekte van Internasionale Ontvoering is onderskeidelik deur Suid-Afrika geratifiseer en dien dus as maatstaf vir Suid-Afrikaanse reg met betrekking tot kinderregte. In hierdie hoofstuk word die waardes en sekere bepalinge van genoemde konvensies bespreek, met spesifieke verwysing na die beste belang van die kind.

3.2 DIE VERENIGDE NASIES SE KONVENSIË OOR DIE REGTE VAN DIE KIND

Die Verenigde Nasies se Konvensie oor die Regte van die Kind word voorafgegaan deur die Deklarasie oor die Regte van die Kind (1924) en die Verenigde Nasies se Deklarasie oor die Regte van die Kind (1959) waar die regte van kinders vir eerste keer verwoord is.¹⁰⁰ Hierdie internasionale deklarasies het egter geen regsrag gehad nie. Die inwerkingtreding van die Konvensie oor die Regte van die Kind (1989) (hierna “die Konvensie”) het die posisie verander. Regsbindende waardes en norme met betrekking tot kinderregte is geskep en lidlande is verplig om hulself aan hierdiestandaarde te onderwerp. Artikel 4 bepaal dat lidlande, soos Suid-Afrika,¹⁰¹ “[must] undertake all appropriate legislative, administrative and other measures for the implementation of the rights recognized in the ...Convention”.¹⁰²

Vier algemene beginsels wat die waardes van die Konvensie uitlig, is onder andere deur die Komitee vir die Regte van die Kind, die beheerliggaam vir die internasionale implementering van die Konvensie se bepalinge, geïdentifiseer.¹⁰³

⁹⁹ A 39(1)(b) en (c) van die Suid-Afrikaanse Grondwet.

¹⁰⁰ Sloth-Nielsen 1995 *SAJHR* 402.

¹⁰¹ Suid-Afrika het die Verenigde Nasies se Konvensie oor die Regte van die Kind in 1995 geratifiseer.

¹⁰² A 4 van die Verenigde Nasies se Konvensie oor die Regte van die Kind (1989); sien ook South African Law Commission *First Issue Paper on the Review of the Child Care Act Issue Paper 13 Project 110*.

¹⁰³ Sloth-Nielsen 1995 *SAJHR* 408.

Die eerste beginsel word gevind in artikel 3 van die Konvensie, wat bepaal dat die beste belang van die kind 'n primêre oorweging moet wees met betrekking tot alle aangeleenthede rakende kinders.¹⁰⁴ Gelyke behandeling en nie-diskriminasie is die tweede beginsel soos vervat in artikel 2.¹⁰⁵ Volgens artikel 12 moet lidlande

“... assure to the child who is capable of forming his or her own views the right to express those views freely in all matters affecting the child, the views of the child being given due weight in accordance with the age and maturity of the child”.¹⁰⁶

Die reg van die kind om sy eie mening te lig vorm dus die grondslag van die derde beginsel. Die laaste algemene beginsel, soos voorgelê deur die Komitee, is die kind se reg op oorlewing.¹⁰⁷

Wat die beste belang van die kind betref, is dit duidelik dat die Konvensie hierdie gemeenregtelike maatstaf bevestig deur daarna te verwys as “n primêre oorweging”.¹⁰⁸ Artikel 18 bepaal ook dat “the best interest of the child will be their basic concern” met betrekking tot ouers en voogde verantwoordelik vir die opvoeding en ontwikkeling van die kind.¹⁰⁹

Alhoewel die beste belang-maatstaf ook in die Grondwet van Suid-Afrika geïnkorporeer is, is daar 'n klemverskuiwing. Die Grondwet bepaal dat die beste belang van die kind van “deurslaggewende belang” moet wees in alle kwessies rakende kinders.¹¹⁰ Die kritiek teen die beste belang van die kind as “n primêre oorweging”, soos genoem in die Konvensie, is dat dit die werking van die beste belang-maatstaf verswak.¹¹¹ Die kind se belang mag moontlik net een van die oorwegings wees indien daar kompeterende belange ter sprake is. Die feit dat die beste belang van die kind wel “oorweging” moet geniet, dui egter tog op 'n plig om die beste belang van die kind in ag te neem en nie net daarvan kennis te neem nie.¹¹² Die Verenigde Nasies se

¹⁰⁴ A 3 van die Verenigde Nasies se Konvensie oor die Regte van die Kind.

¹⁰⁵ A 2 van die Verenigde Nasies se Konvensie oor die Regte van die Kind lys gronde vir nie-diskriminasie soortgelyk aan art 9 van die Grondwet van Suid-Afrika.

¹⁰⁶ A 12(1).

¹⁰⁷ A 6

¹⁰⁸ A 3.

¹⁰⁹ A 18.

¹¹⁰ A 28(2).

¹¹¹ Bekink & Bekink 2003 *De Jure* 24.

¹¹² Boezaart *Child Law in South Africa* 319.

Konvensie oor die Regte van die Kind bied ook geen definisie vir die beste belang-maatstaf, of 'n formule om dit te bepaal nie.¹¹³

Artikel 12 kan nie in isolasie geles word, Die reg van die kind om gehoor te word, vorm 'n integrale deel van die beste belang-maatstaf en die interpretasie daarvan.¹¹⁴Nie net is die kind se reg om sy of haar eie mening te lig met betrekking tot sy of haar beste belang¹¹⁵ uitgebrei, maar die kind het ook die reg om in administratiewe en judisiële verrigtinge gehoor te word.¹¹⁶Dit blyk dus asof die kind se mening as 'n faktor kan dien met betrekking tot sy of haar beste belang. In ooreenstemming hiermee verwys King R in *McCall v McCall*, in die lys van faktore om die beste belang van die kind te bepaal, na "the child's preference".¹¹⁷Hierdie reg van die kind is weer eens in die Grondwet geïnkorporeer deur middel van artikel 28(1)(h), waarvolgens elke kind die reg het op 'n regspraktisyn in siviele verrigtinge wat die kind raak.¹¹⁸ Anders as in die Konvensie oor die Regte van die Kind, word verwys na 'n regspraktisyn en nie na 'n verteenwoordiger nie. Dit lyk dus meer beperkend, maar tog word hierdie reg verleen aan "elke kind" en nie net aan dié "capable of forming his or her own views" nie.¹¹⁹

3.3 DIE AFRIKA HANDVES OOR DIE REGTE EN WELSTAND VAN DIE KIND

Die Afrika Handves oor die Regte en Welstand van die Kind¹²⁰ is saamgestel deur lidlande van die Organisasie vir Afrika Eenheid.¹²¹Hierdie dokument is streeksgebonde en fokus op die unieke kulturele uitdagings wat Afrika bied. Alhoewel dit geïnspireer is deur die Verenigde Nasies se Konvensie oor die Regte van die Kind, word daar meer klem op die kollektiewe as op die individu gelê.¹²² Suid-Afrika bekragtig die Afrika Handves in 2000.

¹¹³ Sloth-Nielsen 1995 *SAJHR* 409.

¹¹⁴ Bekink & Bekink 2003 *De Jure* 27.

¹¹⁵ A 12(1).

¹¹⁶ A 12(2) "For this purpose, the child shall in particular be provided the opportunity to be heard in any judicial and administrative proceedings affecting the child, either directly, or through a representative or an appropriate body, in a manner consistent with the procedural rules of national law."

¹¹⁷ 1994 (3) SA 201 (C) 205.

¹¹⁸ A 28(1)(h).

¹¹⁹ Kassan 2003 *De Jure* 167.

¹²⁰ Hierna "Die Afrika Handves".

¹²¹ South African Law Commission *First Issue Paper on the Review of the Child Care Act* Issue Paper 13 Project 110.

¹²² South African Law Commission *First Issue Paper on the Review of the Child Care Act* Issue Paper 13 Project 110.

Die Afrika Handves is 'n waardevolle riglyn vir Suid-Afrikaanse reg met betrekking tot die reg van die kind in die Afrika konteks. Nie net word op regte van die kind gefokus nie, maar daar word ook verpligtinge op die kind geplaas.¹²³ Die rol van die familie as basis van die gemeenskap word erken.¹²⁴ Volgens artikel 21(1) van die Afrika Handves moet alle skadelike kulturele gebruike ook uitgeskakel word.

Met betrekking tot die beste belang van die kind, moet dit volgens die Afrika Handves “the primary consideration” wees in aangeleenthede rakende die kind.¹²⁵ Hierdie bewoording dra meer krag as dié van die Verenigde Nasies se Konvensie oor die Regte van die Kind waar die beste belang van die kind “'n primêre oorweging” moet wees. Die deurslaggewendheid van die beste belang van die kind, soos beskerm in die finale Grondwet, blyk in lyn te wees met die Afrika Handves oor die Regte en Welstand van die Kind.

Die beste belang-maatstaf, soos beskerm in die Afrika Handves en die finale Grondwet, het 'n direkte impak op inheemse reg in Suid-Afrika. Spesifiek met betrekking tot die voogdyskap van kinders is die meeste sisteme van inheemse reg beperkend. Voogdyskap van kinders is altyd aan die vader toegestaan en die belang van die kind is nie oorweeg nie.¹²⁶ Inheemse regsreëls is egter onderworpe aan die Grondwet, en in *Hlope v Mahlalela*¹²⁷ is bevestig dat die beste belang van die kind van toepassing is op alle aangeleenthede rakende die kind, wat inheemsregtelike voogdyskap-dispute insluit.

Artikel 4(1) bepaal verder dat

“[i]n all judicial or administrative proceedings affecting a child who is capable of communicating his/her own views, an opportunity shall be provided for the views of the child to be heard either directly or through an impartial representative....and those views shall be taken into consideration...”¹²⁸

Artikel 7 sluit hierby aan:

¹²³ A 31 .

¹²⁴ A 18.

¹²⁵ A 4(1).

¹²⁶ Davel 2002 *De Jure* 288.

¹²⁷ *Hlope v Mahlaleha* 1998 (1) SA 409 (T).

¹²⁸ A 4(1).

“Every child who is capable of communicating his or her own views shall be assured the rights to express his opinions freely in all matters and to disseminate his opinions subject to such restrictions as are prescribed by laws.”¹²⁹

Dit stem ooreen met artikel 12 van die Verenigde Nasies se Konvensie oor die Regte van die Kind. Die kind se opinie is dus ook van waarde ten opsigte van sy beste belang.

3.4 DIE HAAGSE KONVENSIË OOR DIE SIVIELE ASPEKTE VAN INTERNASIONALE KINDERONTVOERING

Die Haagse Konvensie oor die Siviele Aspekte van Internasionale Kinderontvoering (hierna “die Haagse Konvensie”) is nie net in 1996 deur Suid-Afrika bekragtig nie, maar is ook in die Suid-Afrikaanse plaaslike reg geïnkorporeer.¹³⁰ Die doel van die Haagse Konvensie is om ‘n kind, wat onwettig of onregmatig uit ‘n lidland geneem is, se spoedige terugkeer te besorg en ook om te sorg dat die regte van voogdy en toegang soos bepaal deur een lidland, deur ander lande erken en gerespekteer word.¹³¹ Die fokus van die Haagse Konvensie is dus die beste belang van die kind ten opsigte van voogdyskap-geskille. Die aanhef van die Haagse Konvensie bevestig lidlande se verbintenis tot die beste belang van die kind:

“Firmly convinced that the interests of children are of paramount importance in matters relating to their custody. Desiring to protect children internationally from the harmful effects of their wrongful removal or retention and to establish procedures to ensure their prompt return to the State of their habitual residence, as well as to secure protection for rights of access.”

Die uitgangspunt van die Haagse Konvensie is dat dit in die kind, wat onregmatig uit ‘n land geneem is, se beste belang is om so spoedig moontlik na sy of haar gewone plek of land van verblyf teruggestuur te word, waar daar oor die voogdyskap-geskil beslis kan word.¹³² Die beste belang van ‘n kind is dus nie ‘n aparte faktor wat deur ‘n hof in ag geneem hoef te word indien ‘n kind onregmatig en onwettig uit ‘n land geneem is en hom of haar in ‘n ander lidland bevind nie. Volgens die Haagse Konvensie word die beste belang van die kind outomaties gedien deur die

¹²⁹ A 7.

¹³⁰ Hlophe 1998 *SALJ* 439.

¹³¹ Boezaart *Child Law in South Africa* 353.

¹³² Bekink & Bekink 2004 *De Jure* 30 .

kind terug te stuur. Faktore wat wel oorweeg word is onder andere die onregmatigheid en die gewone plek van verblyf.

Artikel 13 is 'n uitsondering op die outomatiese terugkeerbeleid van die Haagse Konvensie:

“[T]he judicial and administrative authority of the requested State is not bound to order the return of the child if the person, institution or other body which opposes its return establishes that –
(b) there is a grave risk that his or her return would expose the child to physical or psychological harm or otherwise place the child in an intolerable situation.”¹³³

Die beste belang van 'n spesifieke kind is dus hier as 'n oorwegende faktor ter sprake.

Die grondwetlikheid van die Haagse Konvensie is bevraagteken in *Sonderup v Tondelli*,¹³⁴ waar die hof beslis het dat die korttermyn belang van die kind wel beperk word, maar dat hierdie beperking regverdigbaar is in terme van artikel 36 van die Grondwet.¹³⁵

3.5 GEVOLGTREKKING

Genoemde internasionale dokumente met betrekking tot kinderregte is “a common pool of wisdom”¹³⁶ wat as waardevolle riglyn en maatstaf vir Suid-Afrikaanse kinderreg funksioneer. Die Verenigde Nasies se Konvensie oor die Regte van die Kind, sowel as die Afrika Handves oor die Regte en Welstand van die Kind erken die belangrikheid van die beste belang-maatstaf in aangeleenthede rakende die kind. Waar die Haagse Konvensie die beste belang van die kind as “paramount” ag, verleen die Konvensie oor die Regte van die Kind en die Afrika Handves nie dieselfde prominensie aan die beste belang-maatstaf as dié van die finale Grondwet van Suid-Afrika nie. Artikel 1(2) van die Afrika Handves waarborg egter die optimale beskerming aan kinders:

¹³³ A 13(b).

¹³⁴ 2001 (1) SA 1171 (CC).

¹³⁵ Sien bespreking onder 2.3.2.

¹³⁶ South African Law Commission *First Issue Paper on the Review of the Child Care Act* Issue Paper 13 Project 110 (3.1).

“Nothing in this Charter shall affect any provisions that are more conducive to the realization of the rights and welfare of the child contained in the law of a State Party or in any other international Convention agreement in force in that State.”

In die Verenigde Nasies se Konvensie oor die Regte van die Kind en die Afrika Handves oor die Regte en Welstand van die kind word die belangrikheid van die kind se opinie ook benadruk. Hierdie beginsels word deur die finale Grondwet van Suid-Afrika onderskryf. Die Grondwet en die internasionale dokumente dien gesamentlik as grondslag vir nuwe kinderregwetgewing in Suid-Afrika.

HOOFSTUK 4

DIE KINDERWET 38 VAN 2005

4.1 INLEIDING

Met die inwerkingtreding van die Grondwet van die Republiek van Suid-Afrika, 1996¹³⁷ en na die ratifikasie van talle internasionale konvensies met betrekking tot die regte van kinders,¹³⁸ is die fondasie gelê vir verandering in die kinderregwetgewing in Suid-Afrika. Die Grondwet bied vir die eerste keer omvattende beskerming aan kinders¹³⁹ en die Verenigde Nasies se Konvensie oor die Regte van die Kind (1989), sowel as die Afrika Handves oor die Regte en Welstand van die Kind (1990) lys beginsels en waardes wat in Suid-Afrikaanse wetgewing geïnkorporeer moes word. DieWet op Kindersorg¹⁴⁰ is wel oor die jare gewysig, maar hierdie wysigings was nie voldoende nie, aangesien dit 'n produk van Suid-Afrika se apartheidsverlede was en dus nie voldoen het aan die uitdagings van 'n multi-kulturele nuwe Suid-Afrika nie.¹⁴¹ Die gevolg was 'n omvattende nuwe Kinderwet wat uiteindelik deur die Nasionale Vergadering en die Nasionale Provinsiale Raad op 15 Desember 2005 aanvaar is.

4.2 BEPALINGS MET BETREKKING TOT DIE BESTE BELANG-MAATSTAF

In die aanhef van die Kinderwet gee die wetgewer erkenning aan die kind se regte soos vervat in artikel 28 van die Handves van Regte, sowel as aan die beginsels soos vervat in talle internasionale dokumente ten opsigte van die kind.¹⁴² Dit impliseer dat die beste belang van die kind deur die wetgewer benadruk sal word. Terminologie soos "ouerlike gesag" is ook vervang met "ouerlike regte en verantwoordelikhede".¹⁴³ Daar is dus 'n klemverskuiwing in die ouer-kind-

¹³⁷ Sien die bespreking in hfst 2 hierbo.

¹³⁸ Sien die bespreking in hfst 3 hierbo.

¹³⁹ A 28 van die Grondwet.

¹⁴⁰ Wet op Kindersorg 74 van 1983.

¹⁴¹ Briefing Paper 153 *The Children's Act* (2006) 1.

¹⁴² **To give effect to certain rights of children as contained in the Constitution; to set out principles relating to the care and protection of children ...**

AND WHEREAS AND WHEREAS the need to extend particular care to the child has been stated in the Geneva Declaration on the Rights of the Child, in the United Nations Declaration on the Rights of the Child, in the Convention on the Rights of the Child and in the African Charter on the Rights and Welfare of the Child and recognised in the Universal Declaration of Human Rights and in the statutes and relevant instruments of specialized agencies and international organisations concerned with the welfare of children...

¹⁴³ A 18.

verhouding, waar die beste belang van die kind weerens benadruk word, aangesien die ouer die verantwoordelikheid van sorg dra ten opsigte van die kind.¹⁴⁴

Artikel 6 van die Kinderwet lys algemene beginsels wat as riglyn moet dien vir die implementering van wetgewing¹⁴⁵ sowel as verrigtinge, aksies en beslissings¹⁴⁶ geneem deur staatsorgane. Artikel 6(2) bepaal spesifiek dat in alle verrigtinge, aksies of besluite in aangeleentheid rakende 'n kind die regte in die Handves van Regte uiteengesit, die beste belange van die kind-maatstaf in artikel 7 uiteengesit en die regte en beginsels in hierdie wet uiteengesit respekteer, beskerm, bevorder en volbring, onderhewig aan enige regmatige beperking.¹⁴⁷

Hierdie artikel blyk in ooreenstemming te wees met die benadering gevolg in die finale Grondwet. Die kind se regte en die beste belang-maatstaf word apart van mekaar aangespreek en as beskermingswaardig in alle aangeleenthede rakende 'n kind, erken.¹⁴⁸ Artikel 9 benadruk die beste belang-maatstaf as "oorheersend" in "alle aangeleenthede betreffende ...'n kind"¹⁴⁹ en is dus weer eens in lyn met die finale Grondwet waar daar na die beste belang-maatstaf as "deurslaggewend" in "alle aangeleenthede" rakende kinders, verwys word.¹⁵⁰ Die beste belang-maatstaf kan dus gesien word as die belangrikste beginsel in die Kinderwet om in ag te neem met betrekking tot aangeleenthede rakende 'n kind.¹⁵¹

Voor die inwerkingtreding van die Kinderwet was daar egter geen riglyne in wetgewing waarvolgens die beste belang-maatstaf bepaal kon word nie. In verskeie sake is gepoog om die beste belang-maatstaf te dekonstrueer met faktore wat as riglyn kon funksioneer om die kind se beste belang te bepaal.¹⁵² Hiervan is die lys van faktore in *McCall v McCall*¹⁵³ die bekendste.¹⁵⁴ Aangesien daar spesifiek bepaal is dat enige ander faktore voor die hof gebring

¹⁴⁴ Ferreira 2010 *THRHR* 211.

¹⁴⁵ A 6(1)(a).

¹⁴⁶ A 6(1)(b).

¹⁴⁷ A 6(2)(a)

¹⁴⁸ In die finale Grondwet word kinderregte in Artikel 28(1) gelys en Artikel 28(2) maak spesifieke melding van die beste belang maatstaf.

¹⁴⁹ "**Best interests of child paramount** In all matters concerning the care, protection and well-being of a child the standard that the child's best interest is of paramount importance, must be applied" (a 9).

¹⁵⁰ A 28 (2).

¹⁵¹ Bosman-Sadie & Corrie *A Practical Approach to the Children's Act* 23.

¹⁵² Sien bespreking onder 2.2.3 met betrekking tot *Van Deijl v Van Deijl* en *French v French*.

¹⁵³ 1994 (3) SA 201 (C).

¹⁵⁴ Reeds in 2.2.3 hierbo bespreek.

kan word, kan die lys in *McCall v McCall* ook nie as *numerus clausus* gesien wordnie.¹⁵⁵ Hoewel dit in daaropvolgende hofsake as waardevolle bron kon dien, het dit egter geen statutêre erkenning gekry nie. In ander jurisdiksies soos Australië¹⁵⁶ en Uganda¹⁵⁷ was daar wel statutêre-gelyste faktore wat as riglyn vir howe en ander rolspelers kon dien met betrekking tot die beste belang-maatstaf.¹⁵⁸ Uiteindelik vervat artikel 7(1) van die nuwe Suid-Afrikaanse Kinderwetveertien faktore wat in ag geneem moet word wanneer die beste belang-maatstaf toegepas word. Artikel 7(1) bepaal as volg:¹⁵⁹

Wanneer in die bepaling van hierdie Wet ookal vereis dat die beste belang van die kind-maatstaf toegepas moet word, moet die volgende faktore, wanneer relevant, in aanmerking geneem word, naamlik:

- (a) die aard van die persoonlike verhouding tussen –
 - (i) die kind en die ouers, of enige spesifieke ouer; en
 - (ii) die kind en enige ander versorger of relevante persoon in daardie omstandighede;
- (b) die houding van die ouers, of enige spesifieke ouer jeens –
 - (i) die kind; en
 - (ii) die uitoefening van ouerlike regte en verantwoordelikhede ten opsigte van die kind;
- (c) die kapasiteit van die ouers, of enige spesifieke ouer, of van enige ander versorger of persoon om voorsiening te maak vir die behoeftes van die kind, insluitende emosionele en intellektuele behoeftes;
- (d) die waarskynlike effek van enige verandering in die kind se omstandighede op die kind, insluitende die waarskynlike effek op die kind van enige skeiding van –
 - (i) beide of enige van die ouers; of
 - (ii) enige broer of suster of ander kind, of enige ander versorger of persoon by wie die kind gewoon het;
- (e) die praktiese moeisaamheid en uitgawe verbonde daaraan vir 'n kind om kontak te hê met die ouers of enige spesifieke ouer en of daardie moeisaamheid of uitgawe die kind se reg om persoonlike verhoudings en direkte kontak met die ouers of enige spesifieke ouer op 'n gereëelde basis vol te hou substansieel sal beïnvloed;
- (f) die behoefte van die kind –

¹⁵⁵ Bekink & Bekink 2004 *De Jure* 24.

¹⁵⁶ A 68F Family Law Reform Act, 1995.

¹⁵⁷ A 4 Uganda Statute, 1996.

¹⁵⁸ Davel & Skelton *Commentary on the Children's Act 2-4*.

¹⁵⁹ Hoewel die Kinderwet net in Engels verorden is, word hierdie Afrikaanse vertaling deur die Vereniging van Regslui vir Afrikaans soms in hierdie skripsie gebruik.

- (i) om in die sorg van sy of haar ouer, familie of uitgebreide familie te bly; en
- (ii) om 'n verbinding met sy of haar familie, uitgebreide familie, kultuur of tradisie te behou;
- (g) die kind se –
 - (i) ouderdom, volwassenheid en fase van ontwikkeling;
 - (ii) geslag;
 - (iii) agtergrond; en
 - (iv) enige ander karaktertrekke van die kind;
- (h) die kind se fisiese en emosionele sekerheid en sy of haar intellektuele, emosionele, sosiale en kulturele ontwikkeling;
 - (i) enige gestremdheid wat 'n kind mag hê;
 - (j) enige chroniese siekte waaraan 'n kind mag lei;
- (k) die behoefte van 'n kind om groot te word in 'n stabiele gesinsomgewing en waar dit nie moontlik is nie, in 'n omgewing wat so nou as moontlik ooreenkom met 'n versorgende gesinsomgewing;
- (l) die behoefte om die kind te beskerm teen enige fisiese of sielkundige leed wat veroorsaak mag word deur –
 - (i) die onderwerping van die kind aan mishandeling, misbruik, verwaarlosing, eksploitasie of vernedering of die blootstelling van die kind aan geweld of eksploitasie of ander skadelike optrede; of
 - (ii) die blootstelling van die kind aan mishandeling, misbruik, vernedering, slegte behandeling, geweld of skadelike optrede jeens 'n ander persoon;
- (m) enige gesinsgeweld wat die kind of familielid van die kind betrek; en
- (n) welke aksie of beslissing verdere regs-of administratiewe verrigtinge met betrekking tot die kind sal vermy of verminder.

Volgens artikel 7 moet die lys van faktore in aggeneem word wanneer 'nbepaling van die Kinderwet dit ookal vereis (*[w]henever a provision of this Act requires the best interests of the child standard to be applied*). Hoewel hierdie bewoording beperkend blyk te wees, plaas artikel 8 en 9 dit in konteks. Artikel 8 bepaal “Die regte waaroor 'n kind beskik ingevolge hierdie Wet vul die regte waaroor 'n kind beskik ingevolge die Handves van Regte aan”.¹⁶⁰ Dit moet dus saam met die Grondwet en spesifiek saam met artikel 28(2) van die Grondwet gelees word.¹⁶¹ Artikel 9 bepaal dat “In alle aangeleenthede betreffende die versorging, beskerming en welsyn van 'n kind moet die standaard...toegepas word.” Hoewel die faktore in artikel 7(1)

¹⁶⁰ A 8(1).

¹⁶¹ Bosman-Sadie & Corrie *A Practical Approach to the Children's Act 22*.

sekere ooreenkomste toon met dié in *McCall v McCall*, is daar duidelike verskille. In die eerste plek word daar slegs melding van die “ouer” gemaak in die *McCall*-lys, terwyl artikel 7(1) melding maak van “ouers”, “enige spesifieke ouer”, “versorger” en “enige persoon.”¹⁶² Die trefwydte van die toepassing van faktore word dus verbreed. ‘n Merkwaardige verskil tussen artikel 7(1) en die lys in *McCall*, is die feit dat lys in die Kinderwet geslote is. *McCall v McCall* maak voorsiening vir enige ander relevante faktore.¹⁶³ Dit kan gesien word as ‘n beperking. In *Minister of Welfare and Population Development v Fitzpatrick*¹⁶⁴ noem Goldstone R dat “the best interest principle has never been given exhaustive content, but it is necessary that the standard should be flexible”. In *S v M* waarsku Sachs J ook teen ‘n “predetermined formula” om die beste belang-maatstaf te bepaal.¹⁶⁵ Davel spreek die hoop uit dat amptenare hul inherente diskresie sal gebruik om ander faktore te oorweeg.¹⁶⁶ Ferreira bevraagteken egter hierdie oplossing en sien die geslote lys as ‘n “oversight” aan die kant van die wetgewer wat “detrimental to the best interest of a child” kan wees.¹⁶⁷ Die faktore in die Kinderwet blyk erkenning te gee aan die unieke Suid-Afrikaanse konteks, deur spesifieke melding te maak van faktore soos gesinsgeweld,¹⁶⁸ chroniese siektes,¹⁶⁹ wat die moontlikheid van HIV aanspreek, sowel as die kind se kultuur en tradisie.¹⁷⁰ Dit is ook in lyn met die Handves van Regte deur spesifiek te verwys na die behoeftes van die gestremde kind¹⁷¹ en daar word ook geen melding gemaak van “the desirability ... of ... same sex matching” soos in die *McCall v McCall* lys nie.¹⁷² Vorme van moontlike diskriminasie is dus aangespreek.

Artikel 12 van die Verenigde Nasies se Konvensie oor die Regte van die Kind beskerm die reg van die kind om gehoor te word in aangeleenthede wat sy of haar belange raak. Hierdie reg word ook indirek beskerm in artikel 28(1)(h) van die finale Grondwet.¹⁷³ In *McCall v McCall*¹⁷⁴ word spesifiek melding gemaak van die “child’s preference”, maar artikel 7(1) maak geen melding van

¹⁶² A 7(1)(a), (b), (c), (d), &(e).

¹⁶³ “(m) any other factor which is relevant to the particular case with which the Court is concerned” (205F).

¹⁶⁴ 2000 (3) SA 422 (CC) par [18].

¹⁶⁵ 2008 (3) SA 232 par [24].

¹⁶⁶ Davel & Skelton *Commentary on the Children’s Act 2-8*.

¹⁶⁷ Ferreira 2010 *THRHR* 212.

¹⁶⁸ A 7(1)(m).

¹⁶⁹ A 7 (1) (j).

¹⁷⁰ A7(1)(f)(ii).

¹⁷¹ A7(1)(i); sien ook reg op gelykheid soos beskerm in artikel 9 van die Handves van Regte.

¹⁷² Davel & Skelton *Commentary on the Children’s Act 2-8*.

¹⁷³ A 28(1)(h) beskerm die reg van die kind om, in siviele verrigtinge wat hom of haar raak, deur die staat op staatskoste van 'n regspraktisyn voorsien te word indien dit andersins tot wesenlike onreg sou lei; sien ook bespreking onder 3.2 hierbo.

¹⁷⁴ 1994 (3) SA 201 (C).

die kind se voorkeur of reg om gehoor te word nie. Artikel 10 spreek dit egter aan¹⁷⁵ en bepaal as volg:

Deelneming van kind

Elke kind van sodanige ouderdom, volwassenheid en fase van ontwikkeling dat hy of sy instaat is om deel teneem aan enige aangeleentheid betreffende daardie kind het die reg om openige gepaste wyse deel te neem en behoorlike oorweging moet gegee word aan sienswyses wat deur die kind uitgespreek is.

Volgens my komplimenteer artikel 6(5) die reg aangespreek in artikel 10. Hiervolgens moet die kind met inagneming van sy ouderdom en volwassenheid ingelig word oor besluite wat hom/haar affekteer.¹⁷⁶ 'n Kind wat ingelig kan word oor sy of haar posisie het dan die kapasiteit en geleentheid om voorkeure en 'n mening te lig.¹⁷⁷

4.3 GEVOLGTREKKING:

Die Kinderwet 38 van 2005 bekragtig die spesiale beskerming van kinders in Suid-Afrika en stem ooreen met die ontwikkeling van kinderregte in internasionale konvensies sowel as met die benadering van die Grondwet waar die kind se regte prioriteit geniet. Artikel 2 van die Kinderwet sit die wet se oogmerke uiteen:

Die oogmerke van hierdie Wet is

- (b) om uitvoering te gee aan die volgende grondwetlikeregte van kinders, naamlik –
 - (iv) dat die beste belange van 'n kind van grootste belang is in elke aangeleentheid betreffende die kind;

Dit wys 'n verbintenis aan die kant van die wetgewer om aan die beste belang-maatstaf prominensie te verleen. Hoewel die wet nie perfek is nie, is dit 'n verbetering op vorige wetgewing, want dit benader die regte van kinders op 'n nie-diskriminerende, kindergesentreerde manier. Die feit dat dit 'n lys van faktore insluit om die beste belang van 'n kind

¹⁷⁵ Davel & Skelton *Commentary on the Children's Act 2-8*.

¹⁷⁶ A6(5) 'n Kind, met inagneming van sy of haar ouderdom, volwassenheid en fase van ontwikkeling en 'n persoon wat ouerlike regte en verantwoordelikhede met betrekking tot daardie kind het moet, waar van toepassing, ingelig word van enige aksie of beslissing wat geneem is in 'n aangeleentheid betreffende die kind wat dit beduidend affekteer.

¹⁷⁷ sien ook artikel 6(3) waar die kind se familie die reg het om hul sienswyse uit te druk waar dit in die beste belang van die kind is.

tebepaal,¹⁷⁸ vergemaklik die toepassing van die maatstaf deur die howe. Die onbepaalde karakter van die beste belang-maatstaf word in 'n mate vervaag. Die kind se belang word vir seker deur hierdie nuwe wet gedien.

¹⁷⁸ A 7(1).

HOOFSTUK 5

DIE BESTE BELANG-MAATSTAF EN FAKTORE: 'N VERGELYKENDE STUDIE

5.1 INLEIDING

Verskeie lande het die Verenigde Nasies se Konvensie oor die Regte van die Kind (1989) onderteken. Dit het gelei tot 'n paradigmaskuif ten opsigte van kinderrechte. Ondertekenaars van die Konvensie oor die Regte van die Kind was verplig om kindernetwewing in lyn te bring met die bepalings van die Konvensie deur die skep of wysiging van wetgewing. In die konteks van Suid-Afrika se koloniale geskiedenis aan die een kant en ons Afrika-erfenis aan die ander kant, is dit nuttig om die wetgewing, spesifiek ten opsigte van die beste belang-maatstaf, van sogenaamde westerse lande, sowel as dié van Afrika-state, te ondersoek. Die wetgewing van Engeland en Australië (ook met 'n koloniale verlede) word eerstens bespreek. Daarna word 'n vergelykende studie ten opsigte van drie Afrika-state gedoen. In die Verenigde State van Amerika, as supermoondheid, hang kindernetwewingen die toepassing van die beste belang-maatstaf af van die jurisdiksie van 'n spesifieke staat. Die nuwe kindernetwewing van sommige state word bespreek. Die Suid-Afrikaanse Regskommissie maak ook spesifiek melding van Kanada se toepassing van die beste belang-maatstaf, en die faktore wat daar gebruik word.¹⁷⁹ 'n Verwysing na en kort vergelyking ten opsigte van Kanadese wetgewing is dus ook nodig.

5.2 ENGELAND

Die English Children Act 1989 dien as voorbeeld vir ander lande op die gebied van regshervorming ten op sigte van kinderrechte. Dit kan as baanbrekerswetgewing gesien word aangesien daar vir die eerste keer gepoog is om die skeiding tussen privaat- en publiekreg in die konteks van kinderrechte te oorbrug.¹⁸⁰ Daar was ook 'n klemverskuiwing en terminologie-aanpassing ten opsigte van die ouer-kind verhouding.¹⁸¹ Artikel 1(1) van die English Children Act bepaal as volg:

(1) When a court determines any question with respect to— .

¹⁷⁹ South African Law Commission *First Issue Paper on the Review of the Child Care Act* Issue Paper 13 Project 110 (1998) (hierna "SALC Review") hfst 5 bl 84.

¹⁸⁰ Davel *Introduction to Child Law in South Africa* 529.

¹⁸¹ SALC Review par 10.3.4.

- (a) the upbringing of a child; or .
- (b) the administration of a child's property or the application of any income arising from it, the child's welfare shall be the court's **paramount consideration**.¹⁸²

Dit stem ooreen met artikel 9 van die Suid-Afrikaanse Kinderwet³⁸ van 2005 wat die beste belang van die kind as "oorheersend" benadruk.¹⁸³ In artikel 1(3) van die English Children Act word 'n lys van faktore uiteengesit wat deur howe in aggeneem moet word in die bepaling van die beste belang van die kind ten opsigte van toegang en voogdyskap. Dit bepaal as volg:

- (3) In the circumstances mentioned in subsection (4), a court shall have regard in particular to— .
 - (a) the ascertainable wishes and feelings of the child concerned (considered in the light of his age and understanding); .
 - (b) his physical, emotional and educational needs; .
 - (c) the likely effect on him of any change in his circumstances; .
 - (d) his age, sex, background and any characteristics of his which the court considers relevant; .
 - (e) any harm which he has suffered or is at risk of suffering; .
 - (f) how capable each of his parents, and any other person in relation to whom the court considers the question to be relevant, is of meeting his needs; .
 - (g) the range of powers available to the court under this Act in the proceedings in question.

Die Suid-Afrikaanse Kinderwet bevat ook 'n lys van faktore waarvolgens die beste belang van die kind bepaal moet word.¹⁸⁴ Die lys in die English Children Act lyk meer bondig. Dit verwys ook spesifiek na die "wishes and feelings of the child concerned".¹⁸⁵ Daar word nie spesifiek in die Suid-Afrikaanse Kinderwet na die wense van die kind verwys nie, maar kragtens artikel 10 het die kind die reg om sy of haar mening te lig in aangeleenthede rakende die kind.¹⁸⁶ In kontras

¹⁸² Eie beklemtoning.

¹⁸³ A 9 **Beste belange van kind allesoorheersend.**— In alle aangeleenthede betreffende die versorging, beskerming en welsyn van 'n kind moet die standaard dat die kind se beste belange van oorheersende belang is toegepas word.

¹⁸⁴ A 7. Sien bespreking in hfst 4.

¹⁸⁵ A 1(3)(a).

A 10 Deelneming van kind

Elke kind van sodanige ouderdom, volwassenheid en fase van ontwikkeling dat hy of sy instaat is om deel te neem aan enige aangeleentheid betreffende daardie kind het die reg om openige gepaste wyse deel te neem en behoorlike oorweging moet gegee word aan sienswyses wat deur die kind uitgespreek is.

met die Suid-Afrikaanse Kinderwet, blyk die “welfare checklist” in die Engelse wet nie ‘n geslote lys te wees nie. Melding word gemaak van die hof se “range of powers”,¹⁸⁷ wat impliseer dat die hof se besluite rakende die belang van die kind nie beperk is tot die faktore genoem in artikel 1(3) nie.

5.3 AUSTRALIË

Die Australian Family Law Reform Act 1995, wat in Junie 1996 in werking getree het, wysig die Family Law Act 1975 ten opsigte van talle privaatregtelike bepalings rakende kinders.¹⁸⁸ In hierdie wetgewing word die oogmerke van die spesifieke afdelings van ‘n artikel uiteengesit,¹⁸⁹ gevolg deur die onderliggende beginsels. Hoewel die Suid-Afrikaanse Kinderwet ook die oogmerke en die beginsels in die wetgewing aanspreek, word ‘n ietwat ander benadering gevolg. Daar word nie gefokus op die spesifieke oogmerke van ‘n spesifieke afdeling nie, maar die algemene oogmerke en beginsels van die wet word in Hoofstuk 1¹⁹⁰ en Hoofstuk 2¹⁹¹ van die Suid-Afrikaanse Kinderwet uiteengesit.

Die Australian Family Law Reform Act volg die voorbeeld van die English Children Act, deur die insluiting van ‘n lys van faktore om die beste belang van die kind te bepaal.¹⁹²

68F(1) Subject to subsection (3), in determining what is in the child's best interests, the court must consider the matters set out in subsection(2).

(2) The court must consider:

- (a) any wishes expressed by the child and any factors (such as the child's maturity or level of understanding) that the court thinks are relevant to the weight it should give to the child's wishes;

¹⁸⁷ A 1(3)(g) van die English Children Act.

¹⁸⁸ Davel *Introduction to Child Law in South Africa* 530.

¹⁸⁹ Sien as voorbeeld Division 10 van die Australian Family Law Reform Act 1995:

Division 10 - The best interests of children and the representation of children

"Subdivision A - **What this Division does**

"68D. This Division deals with:

- (a) determining what is in a child's best interests (including in situations of family violence) (Subdivision B); and
- (b) the separate representation of children (Subdivision C).

¹⁹⁰ A 1.

¹⁹¹ A 6.

¹⁹² A 68F(2).

- (b) the nature of the relationship of the child with each of the child's parents and with other persons;
- (c) the likely effect of any changes in the child's circumstances, including the likely effect on the child of any separation from:
 - (i) either of his or her parents; or
 - (ii) any other child, or other person, with whom he or she has been living;
- (d) the practical difficulty and expense of a child having contact with a parent and whether that difficulty or expense will substantially affect the child's right to maintain personal relations and direct contact with both parents on a regular basis;
- (e) the capacity of each parent, or of any other person, to provide for the needs of the child, including emotional and intellectual needs;
- (f) the child's maturity, sex and background (including any need to maintain a connection with the lifestyle, culture and traditions of Aboriginal peoples or Torres Strait Islanders) and any other characteristics of the child that the court thinks are relevant;
- (g) the need to protect the child from physical or psychological harm caused, or that may be caused, by:
 - (i) being subjected or exposed to abuse, ill-treatment, violence or other behaviour; or
 - (ii) being directly or indirectly exposed to abuse, ill-treatment, violence or other behaviour that is directed towards, or may affect, another person;
- (h) the attitude to the child, and to the responsibilities of parenthood, demonstrated by each of the child's parents;
 - (i) any family violence involving the child or a member of the child's family;
 - (j) any family violence order that applies to the child or a member of the child's family;
 - (k) whether it would be preferable to make the order that would be least likely to lead to the institution of further proceedings in relation to the child;
 - (l) any other fact or circumstance that the court thinks is relevant.

Indien 'n ouerskapsplan by die hof ingedien word¹⁹³ en indien 'n besluit van die hof geneem word met die toestemming van alle betrokke partye, is die oorweging van die faktore op hierdie lys nie verpligtend nie.¹⁹⁴ Die lys in artikel 68F(2) is meer omvattend as die lys in die English

¹⁹³ Davel *Introduction to Child Law in South Africa* 530.

¹⁹⁴ A 68F(3): If the court is considering whether to make an order with the consent of all the parties to the proceedings, the court may, but is not required to, have regard to all or any of the matters set out in subsection (2).

Children Act. Daar is wel ooreenkomste, soos die verwysing na die kind se wense,¹⁹⁵ die effek van 'n verandering in die kind se omstandighede,¹⁹⁶ die kind se geslag, ouderdom en agtergrond¹⁹⁷ en enige moontlike gevaar wat kind mag raak.¹⁹⁸ Die beskerming van die kind teen moontlike gevaar word egter sterker aangespreek, deur erkenning te gee aan die moontlike impak van gesinsgeweld op die kind.¹⁹⁹ Dit stem ooreen met artikel 7(m) van die Kinderwet.²⁰⁰ 'n Verdere ooreenkoms met die Suid-Afrikaanse wetgewing word gevind in die verwysing na die kind se tradisionele herkoms en kultuur.²⁰¹ Suid-Afrika se multikulturaliteit toon sterk ooreenkomste met die diverse karakter van Australië en dit is dus van pas dat die Suid-Afrikaanse Kinderwet ook 'n bepaling insluit wat die erkenning aan die kind se herkoms gee.²⁰² Die inagneming van die kind se wense²⁰³ word deur artikel 68(G)(2) omskryf en gekwalifiseer.²⁰⁴

Ten spyte van duidelike ooreenkomste tussen die Australiese en die Suid-Afrikaanse lys van faktore om die belang van die kind te bepaal, is daar een groot verskil. Die lys in die Australian Family Law Reform Act is nie 'n geslote lys nie. Dit verwys spesifiek na "any other fact or circumstance that the court thinks is relevant".²⁰⁵

'n Faktor wat nie in die English Children Act voorkom nie, maar wel in die Australian Family Law Reform Act,²⁰⁶ is die kostes verbonde aan 'n kind se kontak met 'n ouer en die effek daarvan op die kind se reg om kontak met 'n ouer te behou.²⁰⁷ Dit blyk 'n direkte invloed van die Verenigde Nasies se Konvensie oor Regte van die Kind te wees.²⁰⁸

¹⁹⁵ A 68F(2)(a) van die Australian Family Law Reform Act en a (1)(3)(a) van die English Children Act.
¹⁹⁶ A 68F(2)(c) van die Australian Family Law Reform Act en a (1)(3)(c) van die English Children Act.
¹⁹⁷ A 68F(2)(f) van die Australian Family Law Reform Act en a (1)(3)(d) van die English Children Act.
¹⁹⁸ A 68F(2)(g) van die Australian Family Law Reform Act en a (1)(3)(e) van die English Children Act.
¹⁹⁹ A 68F(2)(i)(j). Sien ook Bekink 2004 *De Jure* 28.
²⁰⁰ A 7(m): Enige gesinsgeweld wat die kind of familielid van die kind betrek.
²⁰¹ A 68F(2)(f).
²⁰² A 7(f)(ii): Om 'n verbinding met sy of haar familie, uitgebreide familie, kultuur of tradisie te behou.
²⁰³ A 68F(2)(a).
²⁰⁴ A 69G(2) The court may inform itself of wishes expressed by a child:
 (a) By having regard to anything contained in a report given to the court under subsection 62G(2) or;
 (b) subject to the applicable Rules of Court, by such other means as the court thinks appropriate.
²⁰⁵ A 68F(2)(l).
²⁰⁶ Sien die soortgelyke bepaling in a 7(1)(e) van die Suid-Afrikaanse Kinderwet.
²⁰⁷ A 68F(2)(d). Sien ook Davel *Introduction to Child law in South Africa* 531.
²⁰⁸ Aa 7 & 9 van die Verenigde Nasies se Konvensie oor die Regte van die Kind. Sien ook Davel *Introduction to Child law in South Africa* 531.

5.4 AFRIKA-STATE

Die meeste Afrika-state het die Verenigde Nasies se Konvensie oor die Regte van die Kind (1989) geratifiseer.²⁰⁹ Regshervorming ten opsigte van kinderregte was dus onafwendbaar. Uganda, Ghana en Kenia was voorlopers ten opsigte van nuwe kinderreg-inisiatiewe. Volgens Sloth-Nielsen kon hierdie inisiatiewe as voorbeeld en inspirasie dien vir Suid-Afrikaanse wetgewers, aangesien hierdie lande die hervorming en ontwikkeling van kinderrechte benader met grondwetlike regte, sowel as die beginsels in die Konvensie oor die Regte van die Kind, in die oog.²¹⁰ Koloniale wetgewing moes geskrap of gewysig word. Wetgewers het in die proses sosio-ekonomiese beperkings in ag geneem. Daar is ook aan inheemse gebruike en die werking van godsdienstige regsisteme erkenning gegee die konsep van “familie” in die Afrika-konteks, in kontras met die euro-sentriese konsep van familie, is versterk.²¹¹

5.4.1 Uganda

Die eerste skedule van die Ugandan Children Statute 1996 toon sterk ooreenkomste met artikel 1 van die English Children Act. Dit bepaal as volg:

Guiding principles in the implementation of the Act.

1. Welfare principle.

Whenever the State, a court, a local authority or any person determines any question with respect to—

- (a) the upbringing of a child; or
- (b) the administration of a child's property or the application of any income arising from it, the child's welfare shall be of the paramount consideration.

Faktore word dan gelys wat in aggeneem moet word ten opsigte van “the upbringing of the child” en “the administration of the child's property or the application of any income arising from it”. Hierdie faktore is:

- (a) the ascertainable wishes and feelings of the child concerned considered in the light of his or her age and understanding;

²⁰⁹ Sloth-Nielsen & Van Heerden 1997 *Stell LR* 266.

²¹⁰ Sloth-Nielsen & Van Heerden 1997 *Stell LR* 267.

²¹¹ Sloth-Nielsen & Van Heerden 1997 *Stell LR* 267.

- (b) the child's physical, emotional and educational needs;
- (c) the likely effects of any changes in the child's circumstances;
- (d) the child's age, sex, background and any other circumstances relevant in the matter;
- (e) any harm that the child has suffered or is at the risk of suffering;
- (f) where relevant, the capacity of the child's parents, guardians or others involved in the care of the child in meeting his or her needs.²¹²

5.4.2 Kenia

Die inleiding van die Kenyan Children Act 2001 sit die oogmerke van die wet uiteen en bepaal dat die wet ten doel het "to give effect to the principles of the Convention of the Rights of the Child and the African Charter on the Rights and Welfare of the Child".²¹³ Artikel 4(2) en 4(3) van die Kenyan Children Act bepaal dan spesifiek as volg ten opsigte van die beste belang van die kind:

- (2) In all actions concerning children, whether undertaken by public or private social welfare institutions, courts of law, administrative authorities or legislative bodies, the best interests of the child shall be a primary consideration.
- (3) All judicial and administrative institutions, and all persons acting in the name of these institutions, where they are exercising any powers conferred by this Act shall treat the interests of the child as the first and paramount consideration to the extent that this is consistent with adopting a course of action calculated to -
 - (a) safeguard and promote the rights and welfare of the child;
 - (b) conserve and promote the welfare of the child;
 - (c) secure for the child such guidance and correction as is necessary for the welfare of the child and in the public interest.

Subartikel (2) stem ooreen met die Suid-Afrikaanse Kinderwet, aangesien die Kinderwet bepaal dat die beste belang-maatstaf van toepassing is "[i]n all matters concerning the care, protection

²¹² First Schedule Ugandan Children Statute 1996.

²¹³ Inleiding van die Kenyan Children Act 2001; die Ugandan Children Statute 1996 het nie 'n soortgelyke bepaling nie, maar die eerste skedule van die wet bepaal as volg:
 "In addition to all rights stated in this Schedule and this Statute, all rights set out in the United Nations Convention on the Rights of the Child and the Organisation for African Unity Charter on the Rights and Welfare of the African Child with appropriate modifications to suit the circumstances in Uganda, that are not specifically mentioned in this Statute".

and well-being of a child”.²¹⁴ Die insluiting van “a primary consideration” is soortgelyk aan die Verenigde Nasies se Konvensie oor die Regte van die Kind.²¹⁵ Subartikel (3) verleen togmeer prominensie aan die beste belang van die kind deur te bepaal dat die kind se belang as “first and paramount” beskou moet word.²¹⁶

Artikel 83 bepaal spesifiek dat in die geval van besluite rakende voogdyskap, die hof die volgende faktore in ag moet neem:²¹⁷

- (a) the conduct and wishes of the parent or guardian of the child;
- (b) the ascertainable wishes of the relatives of the child;
- (c) the ascertainable wishes of any foster parent, or any person who has had actual custody of the child and under whom the child has made his home in the last three years preceding the application;
- (d) the ascertainable wishes of the child;
- (e) whether the child has suffered any harm or is likely to suffer any harm if the order is not made;
- (f) the customs of the community to which the child belongs;
- (g) the religious persuasion of the child;
- (h) whether a care order, or a supervision order, or a personal protection order, or an exclusion order has been made in relation to the child concerned and whether those orders remain in force;
- (i) the circumstances of any sibling of the child concerned, and of any other children of the home, if any;
- (j) the best interest of the child

Die lys is meer uitgebreid as dié van die Ugandan Children Statute en die English Children Act. Dit verskil ook van die genoemde wette, sowel as die Suid-Afrikaanse Kinderwet, in die opsig dat dit spesifiek op voogdyskap van toepassing is. Die trefwydte van die faktore blyk dus beperk te wees. Die beste belang van die kind word ook genoem as een van die talle faktore.²¹⁸ In die Suid-Afrikaanse Kinderwet is dit juis die funksie van die faktore²¹⁹ om die beste belang van

²¹⁴ A 9 Suid-Afrikaanse Kinderwet.

²¹⁵ A 3 van die Verenigde Nasies se Konvensie oor die Regte van die Kind.

²¹⁶ A 4(3) van die Kenyan Children Act 2001.

²¹⁷ A 83 (1) van die Kenyan Children Act 2001.

²¹⁸ A 83 (1(j)).

²¹⁹ Suid-Afrikaanse Kinderwet a 7.

die kind te bepaal. Hoewel artikel 83 van die Kenyan Children Act na die wense van die kind verwys,²²⁰ word die kind se opinie verder bekragtig deur artikel 4(4):

- (4) In any matters of procedure affecting a child, the child shall be accorded an opportunity to express his opinion, and that opinion shall be taken into account as may be appropriate taking into account the child's age and the degree of maturity.

Hierdie bepaling is soortgelyk aan artikel 10 van die Suid-Afrikaanse Kinderwet.²²¹ 'n Interessante verskil tussen die Kenyan Children Act en die Suid-Afrikaanse Kinderwet is dat die Kinderwet effek gee aan kinderregte soos vervat in die Grondwet, terwyl kinderregte nie in die grondwet van Kenya, maar eerder in die Children Act, gespesifiseer word.²²²

5.4.3 Ghana

Net soos die Ugandese en Keniaanse kinderwetgewing verleen die Ghanaian Children Act 2005 prominensie aan die beste belang-maatstaf. Dit bepaal dat "the best interest of the child shall be paramount in any matter concerning the child"²²³ en dat "the best interest of the child shall be the primary consideration by any court, person, institution or other body in any matter concerned with the child."²²⁴ Dit stem ooreen met die bewoording in die Afrika Handves oor die Regte en Welstand van die Kind wat na die beste belang as "the primary consideration" verwys.²²⁵ Die gebruik van "paramount" in artikel 2(1) van die Ghanaian Children Act stem egter weer eens ooreen met artikel 9 van die Suid-Afrikaanse Kinderwet wat die beste belang van die kind as "oorheersend" aandui.

In artikel 45 word faktore wat 'n gesinstribunaal met betrekking tot voogdyskap en toegang moet oorweeg, gelys.²²⁶ Die faktore is:

²²⁰ A 83(1)(d).

²²¹ A 10. Deelneming van kind.–

Elke kind van sodanige ouderdom, volwassenheid en fase van ontwikkeling dat hy of sy in staat is om deel te neem aan enige aangeleentheid betreffende daardie kind het die reg om op enige gepaste wyse deel te neem en behoorlike oorweging moet gegee word aan sienswyses wat deur die kind uitgespreek is.

²²² Boniface *Revolutionary Changes to the Parent-Child Relationship in South Africa, with Specific Reference to Guardianship, Care and Contact* 564 (ongepubliseerde proefskrif).

²²³ A 2(1).

²²⁴ A 2(2).

²²⁵ A 4(1).

²²⁶ A 45 (2).

- (a) the age of the child;
- (b) that it is preferable for a child to be with his parents except if his rights are persistently being abused by his parents;
- (c) the views of the child if the views have been independently given;
- (d) that it is desirable to keep siblings together;
- (e) the need for continuity in the care and control of the child; and
- (f) any other matter that the Family Tribunal may consider relevant.

Artikel 45(1) bepaal dat “a Family Tribunal shall consider the best interest of the child and the importance of a young child being with his mother when making an order for custody or access”. Vervolgens, voordat die faktore gelys word, bepaal artikel 45(2): “Subject to subsection (1) a Family Tribunal shall **also** consider”. Dit blyk asof daar ‘n tweeledige proses is met betrekking tot besluite rakende voogdy of toegang. Eers moet die Tribunaal die beste belang van die kind oorweeg en daarna moet ander faktore oorweeg word. Die vraag is of hierdie faktore onafhanklik funksioneer van die beste belang-maatstaf en of dit faktore is omte help om die beste belang van die kind te bepaal. Dit wil voorkom asof dit bydra tot die bepaling van die beste belang van die kind.

Die oorweging van faktore genoem in artikel 45 blyk weereens beperkend te wees aangesien dit spesifiek verwys na besluite rakende voogdy of toegang. Tog word daar in artikel 2(1) melding gemaak van “any matter”. Die Suid-Afrikaanse Kinderwet verwys nie net na voogdy en kontak wanneer faktore met betrekking tot die beste belang-maatstaf gelys word nie, maar bepaal dat “[w]henever a provision of this Act requires the best interest of the child standard to be applied”, die faktore in aggeneem moet word.²²⁷ Artikel 9 van die genoemde wet maak dan melding van “alle aangeleenthede” wat ‘n kind mag raak.

In teenstelling met die lys van faktore in die Suid-Afrikaanse Kinderwet, wat ‘n geslote lys is, verwys die Ghanaian Children Act na “any other matter” wat die gesinstribunaal as relevant beskou.²²⁸

²²⁷ A 7 Suid-Afrikaanse Kinderwet.

²²⁸ A 45 (2)(f).

Die reg van die kind om sy of haar opinie te gee word ook in artikel 11 van die Ghanaian Children Act erken. Hierdie bepaling is soortgelyk aan artikel 10 van die Suid-Afrikaanse Kinderwet:

No person shall deprive a child capable of forming views the right to express an opinion, to be listened to and to participate in decisions which affect his well-being, the opinion of the child being given due weight in accordance with the age and maturity of the child.

5.5 NOORD-AMERIKA

5.5.1 Die Verenigde State van Amerika

In die Verenigde State van Amerika is die beste belang van die kindtans ook die standaard met betrekking tot besluite oor voogdyskap. Aanvanklik is die Europese konsep van “paternal power”²²⁹ gevolg, wat later vervang is deur die “maternal preference rule”.²³⁰ In die sewentigerjare is die “maternal preference rule” vervang deur ‘n benadering waar die belang van die kind oorweeg moes word, sonder om enige voorkeur aan een van die ouers te gee – dit is die sogenaamde “case by case rule” of die beste belang-maatstaf.²³¹ Faktore wat in ag geneem moet word met betrekking tot voogdyskap was of deel van die wetgewing van onderskeie state, of bepaal deur howe. Die Michigan Child Custody Act²³² bied een van die eerste voorbeelde van statutêre faktore, en definieer die beste belang van die kind as volg:²³³

- (a) The love, affection, and other emotional ties existing between the parties involved and the child.
- (b) The capacity and disposition of the parties involved to give the child love, affection, and guidance and to continue the education and raising of the child in his or her religion or creed, if any.
- (c) The capacity and disposition of the parties involved to provide the child with food, clothing, medical care or other remedial care recognized and permitted under the laws of this state in place of medical care, and other material needs.

²²⁹ Volgens die Engelse gemene reg het die vader absolute beheer en reg ten opsigte van sy kind gehad. Die vader kon selfs iemand anders as die moeder aanwys as die kind se voog in geval van sy dood. Die reg het so ver gestrek dat die vader ook mag gehad het om sy kind se lewe te beëindig.

²³⁰ Charlow 1987 *Yale Law and Policy Review* 267.

²³¹ Cochran 1995 *University of Richmond Law Review* 3.

²³² 91 of 1970.

²³³ A 722.23 (3).

- (d) The length of time the child has lived in a stable, satisfactory environment, and the desirability of maintaining continuity.
- (e) The permanence, as a family unit, of the existing or proposed custodial home or homes.
- (f) The moral fitness of the parties involved.
- (g) The mental and physical health of the parties involved.
- (h) The home, school, and community record of the child.
- (i) The reasonable preference of the child, if the court considers the child to be of sufficient age to express preference.
- (j) The willingness and ability of each of the parties to facilitate and encourage a close and continuing parent-child relationship between the child and the other parent or the child and the parents.
- (k) Domestic violence, regardless of whether the violence was directed against or witnessed by the child.
- (l) Any other factor considered by the court to be relevant to a particular child custody dispute.

Die toepassing van die beste belang-maatstaf was nie sonder kritiek nie. In die laat tagtigerjare het die sogenaamde Kentucky Study²³⁴ gepoog om 'n patroon te bepaal met betrekking tot regters se toepassing van die beste belang-maatstaf. Die studie het bevind dat die belangrikste faktore wat deur houe in aggeneem is, betrekking gehad het op die ouers (hul oordeel, geestesvermoë, die vermoë om toegang tot skole te hê, hul morele karakter, betrokkenheid in die gemeenskap, finansiële vermoëns en verantwoordelike sin). Die klem was dus op die ouer se karakter en kapasiteit en nie juis op die beste belang van die kind nie.²³⁵

Hoewel die Verenigde State van Amerika nie die Verenigde Nasies se Konvensie oor die Regte van die Kind geratifiseer het nie, het verskeie state tog daarna wetgewing gewysig of ontwikkel om faktore in te sluit wat die beste belang van die kind bepaal. In die lig van die Suid-Afrikaanse Kinderwet is dit sinvol om op twee state te fokus wat redelik onlangs²³⁶ hul kinderwetgewing aangepas het deur die skep van nuwe faktore met betrekking tot die beste belang-maatstaf.

²³⁴ Kentucky regters en kommissarisse moes verslag gee oor die gewig van 20 faktore in hul besluitneming ten opsigte van voogdskapbeslissings.

²³⁵ Charlow *Yale Law & Policy Review* 1987 270.

²³⁶ In 2005 en 2007; soortgelyk aan die Suid-Afrikaanse Kinderwet.

In Connecticut is nuwe statutêre faktore geskep, wat op 1 Oktober 2005 in werking getree het.²³⁷ Die artikel bepaal as volg:

In making or modifying any order as provided in subsections (a) and (b) of this section, the court shall consider the best interests of the child, and in doing so may consider, but shall not be limited to, one or more of the following factors:

- (1) the temperament and developmental needs of the child;
- (2) the capacity and the disposition of the parents to understand and meet the needs of the child;
- (3) any relevant and material information obtained from the child, including the informed preferences of the child;
- (4) the wishes of the child's parents as to custody;
- (5) the past and current interaction and relationship of the child with each parent, the child's siblings and any other person who may significantly affect the best interests of the child;
- (6) the willingness and ability of each parent to facilitate and encourage such continuing parent-child relationship between the child and the other parent as is appropriate, including compliance with any court orders;
- (7) any manipulation by or coercive behavior of the parents in an effort to involve the child in the parents' dispute;
- (8) the ability of each parent to be actively involved in the life of the child;
- (9) the child's adjustment to his or her home, school and community environments;
- (10) the length of time that the child has lived in a stable and satisfactory environment and the desirability of maintaining continuity in such environment, provided the court may consider favorably a parent who voluntarily leaves the child's family home pendente lite in order to alleviate stress in the household;
- (11) the stability of the child's existing or proposed residences, or both;
- (12) the mental and physical health of all individuals involved, except that a disability of a proposed custodial parent or other party, in and of itself, shall not be determinative of custody unless the proposed custodial arrangement is not in the best interests of the child;
- (13) the child's cultural background;
- (14) the effect on the child of the actions of an abuser, if any domestic violence has occurred between the parents or between a parent and another individual or the child;
- (15) whether the child or a sibling of the child has been abused or neglected, as defined respectively in section 46b-120; and

²³⁷ Conn. Gen. Stats § 46b-56(c) (2007).

- (16) whether the party satisfactorily completed participation in a parenting education program established pursuant to section 46b-69b.

The court is not required to assign any weight to any of the factors that it considers.”

Faktore wat die beste belang-maatstaf in Florida bepaal, is ook gewysig en het op 1 Oktober 2008 in werking getree.²³⁸ Daar word as volg bepaal:²³⁹

- (3) For purposes of establishing or modifying parental responsibility and creating, developing, approving, or modifying a parenting plan, including a time-sharing schedule, which governs each parent’s relationship with his or her minor child and the relationship between each parent with regard to his or her minor child, the best interest of the child shall be the primary consideration. A determination of parental responsibility, a parenting plan, or a time-sharing schedule may not be modified without a showing of a substantial, material, and unanticipated change in circumstances and a determination that the modification is in the best interests of the child. Determination of the best interests of the child shall be made by evaluating all of the factors affecting the welfare and interests of the particular minor child and the circumstances of that family, including, but not limited to:
- (a) The demonstrated capacity and disposition of each parent to facilitate and encourage a close and continuing parent-child relationship, to honor the timesharing schedule, and to be reasonable when changes are required.
 - (b) The anticipated division of parental responsibilities after the litigation, including the extent to which parental responsibilities will be delegated to third parties.
 - (c) The demonstrated capacity and disposition of each parent to determine, consider and act upon the needs of the child as opposed to the needs or desires of the parent.
 - (d) The length of time the child has lived in a stable, satisfactory environment and the desirability of maintaining continuity.
 - (e) The geographic viability of the parenting plan, with special attention paid to the needs of school-age children and the amount of time to be spent traveling to effectuate the parenting plan. This factor does not create a presumption for or against relocation of either parent with a child.
 - (f) The moral fitness of the parents.
 - (g) The mental and physical health of the parents.

²³⁸ A 61.13 van die Florida Statutes; <http://EzineArticles.com/1354996> (gebruik op 14 Oktober 2012).

²³⁹ A 61.13 (3)

- (h) The home, school, and community record of the child.
- (i) The reasonable preference of the child, if the child is of sufficient age.
- (j) The demonstrated knowledge, capacity, and disposition of each parent to be informed of the circumstances of the minor child, including, but not limited to, the child's friends, teachers, medical care providers, daily activities, and favorite things.
- (k) The demonstrated capacity and disposition of each parent to provide a consistent routine for the child, such as discipline, and daily schedules for homework, meals, and bedtime.
- (l) The demonstrated capacity of each parent to communicate with and keep the other parent informed of issues and activities regarding the minor child, and the willingness of each parent to adopt a unified front on all major issues when dealing with the child.
- (m) Evidence of domestic violence, sexual violence, child abuse, child abandonment, or child neglect, regardless of whether a prior or pending action relating to those issues has been brought.
- (n) Evidence that either parent has knowingly provided false information to the court regarding any prior or pending action regarding domestic violence, sexual violence, child abuse, child abandonment, or child neglect.
- (o) The particular parenting tasks customarily performed by each parent and the division of parental responsibilities before the institution of litigation and during the pending litigation, including the extent to which parenting responsibilities were undertaken by third parties.
- (p) The demonstrated capacity and disposition of each parent to participate and be involved in the child's school and extracurricular activities.
- (q) The demonstrated capacity and disposition of each parent to maintain an environment for the child which is free from substance abuse.
- (r) The capacity and disposition of each parent to protect the child from the ongoing litigation as demonstrated by not discussing the litigation with the child, not sharing documents or electronic media related to the litigation with the child, and refraining from disparaging comments about the other parent to the child.
- (s) The developmental stages and needs of the child and the demonstrated capacity and disposition of each parent to meet the child's developmental needs.
- (t) Any other factor that is relevant to the determination of a specific issue.

'n Noemenswaardige ooreenkoms tussen bogenoemde wette en die Suid-Afrikaanse Kinderwet, is die verwysing na gesinsgeweld.²⁴⁰ Die faktore in die wetgewing van Connecticut verwys spesifiek na 'n kind se "cultural background".²⁴¹ In die Florida Statutes blyk daar meer klem te wees op die ouer se gedrag en kapasiteit.²⁴² Die voorkeur van die kind word egter wel erken.²⁴³ Uniek aan die Florida Statutes is die doel om die kind te beskerm en weg te hou van egskeidingprosedures.²⁴⁴ 'n Ouerskapsplan en ouerskap-opvoedingprogram word in die onderskeie state se wette ingesluit.²⁴⁵ Daar is nie 'n soorgelyke faktor in die Suid-Afrikaanse Kinderwet nie.

Alhoewel daar 'n statutêre lys van faktore bestaan, is howe in Connecticut nie verplig om die faktore in ag te neem nie, aangesien daar bepaal word dat "...the court shall consider the best interest of the child and in doing so may consider...factors".²⁴⁶ Dit blyk dus asof daar 'n diskresie is om die faktore in ag te neem. Die lys van faktore is ook nie geslote nie, aangesien "the courtmay consider, but shall not be limited to, one or more of the following factors".²⁴⁷

Die Florida Statutes bepaal as volg:

Determination of the best interests of the child shall be made by evaluating all of the factors affecting the welfare and interests of the particular minor child and the circumstances of that family, including, but not limited to ...²⁴⁸

Subartikel 3(t) bepaal voorts dat "[a]ny other factor that is relevant to the determination of a specific issue" ook in aggeneem kan word. Die lys van faktore is dus nie, soos in die geval van die Suid-Afrikaanse Kinderwet, geslote nie.

²⁴⁰ A46(b)-56(c)(14) van die Connecticut-wetgewing en subartikel (3)(m) van die Florida-wetgewing.

²⁴¹ Sien ooreenkoms met A7f(ii) en g(iii) van die Suid-Afrikaanse Kinderwet 2005.

²⁴² Die meeste van die genoemde faktore, uitsluitende (d)(h)(i)(s) en (t) fokus op die ouer.

²⁴³ Sien A 10 van die Suid-Afrikaanse Kinderwet teenoor subartikel(3)(i) van die Florida Statute.

²⁴⁴ A61.13(3)(r).

²⁴⁵ A61.13(3)(e) en A46b-56(c)(16) van die Florida Statutes.

²⁴⁶ Subartikel (c).

²⁴⁷ Subartikel (c).

²⁴⁸ A 61.13.(3).

5.5.2 Kanada

Kanada het die Verenigde Nasies se Konvensie oor die Regte van die Kind in 1990 geratifiseer. Dit het gelei tot wysigings in kinderwetgewing. Die Canadian Special Joint Committee on Child Custody and Access het 'n verslag getiteld *For the Sake of the Children* opgestel, wat 'n lys van kriteria vir die bepaling van die beste belang-maatstaf voorgestel het.²⁴⁹ Uiteindelik is die Canadian Children's Law Reform Act in die lewe geroep. Artikel 24 bepaal as volg:

- (2) In determining the best interests of a child for the purposes of an application under this Part in respect of custody of or access to a child, a court shall consider all the needs and circumstances of the child including,
- (a) the love, affection and emotional ties between the child and,
 - (i) each person entitled to or claiming custody of or access to the child,
 - (ii) other members of the child's family who reside with the child, and
 - (iii) persons involved in the care and upbringing of the child;
 - (b) the views and preferences of the child, where such views and preferences can reasonably be ascertained;
 - (c) the length of time the child has lived in a stable home environment;
 - (d) the ability and willingness of each person applying for custody of the child to provide the child with guidance and education, the necessities of life and any special needs of the child;
 - (e) any plans proposed for the care and upbringing of the child;
 - (f) the permanence and stability of the family unit with which it is proposed that the child will live; and
 - (g) the relationship by blood or through an adoption order between the child and each person who is a party to the application.

Hierdie lys is 'n bondiger lys as die lyste vervat in wetgewing in die Verenigde State van Amerika. Soortgelyk aan Engeland, Australië, Ghana, Uganda, Kenia en sommige state in die Verenigde State van Amerika, is die kind se wense en voorkeur weer eens een van die faktore.²⁵⁰ Melding word ook gemaak van 'n ouerskapsplan.²⁵¹ Die lys is nie geslote nie,

²⁴⁹ SALC Review hfst 5 bl 84.

²⁵⁰ A 24 (2)(b).

²⁵¹ A 24 (2)(e).

aangesien daar bepaal word dat “a court shall consider all the needs and circumstances of the child **including**,”²⁵² voordat daar na die faktore vewys word.

5.6 GEVOLGTREKING

Volgens die Grondwet van Suid-Afrika kan howe, tribunale en forums buitelandse reg in ag neem ten opsigte van die uitleg van die Handves van Regte.²⁵³ Die benaderings van verskeie lande, spesifiek met betrekking tot die beste belang-maatstaf, is deur die Suid-Afrikaanse Regskommissie in ag geneem. Dit is duidelik uit bogenoemde bespreking dat die faktore in artikel 7 van die Suid-Afrikaanse Kinderwet beïnvloed is en definitiewe ooreenkomste toon met die wetgewing van die genoemde lande. Twee groot verskille wat volgens my uitstaan is die feit dat, hoewel dit later in die wet aangespreek word,²⁵⁴ die wense van die kind nie deel vorm van die faktore nie, en die feit dat die lys in artikel 7 geslote is. Ten spyte van die invloed van die wetgewing van ander lande, is die Suid-Afrikaanse Kinderwet, met spesifieke verwysing na artikel 7, gerig op die Suid-Afrikaanse konteks van multikulturaliteit, probleme met gesinsgeweld, kindermishandeling, armoede en chroniese siektes soos HIV en Tuberkulose. Dit stem ooreen met die benadering van moderne westerse moondhede, maar erken ook die kind se plek in Afrika.

²⁵² A 24 (2).

²⁵³ A 39(1)(b).

²⁵⁴ A 10.

HOOFSTUK 6

SLOTSOM EN GEVOLGTREKKING

6.1 INLEIDING

'n Nuwe era ten opsigte van kinderrechte is ingelui deur die inwerkingtreding van die finale Grondwet²⁵⁵ en die beste belang van die kind-maatstaf is ook bevestig.²⁵⁶ Verskeie internasionale bepalings²⁵⁷ het onder andere gedien as riglyn en fondasie vir talle lande se implementering en toepassing van kinderegwetgewing, spesifiek ten opsigte van die beste belang-maatstaf. Met die klem op kinderrechte in die Grondwet en internasionale bepalings, wat deur Suid-Afrika geratifiseer is, was 'n nuwe kindersetwet onafwendbaar. Die Kinderwet 38 van 2005 bevestig die beste belang-maatstaf in kinderegkwessies. Artikel 7(1) bied vir die eerste keer 'n statutêre lys van faktore om die beste belang van die kind te bepaal. Die vraag is: Voldoen artikel 7(1) van die Kinderwet 38 van 2005 aan internasionale en grondwetlike bepalings, meer spesifiek aan artikel 28(2) van die Grondwet?

6.2 DIE ONTWIKKELING VAN DIE BESTE BELANG VAN DIE KIND-MAATSTAF IN DIE SUID-AFRIKAANSE REGSPRAAK

Die beste belang van die kind-maatstaf is as gemeenregtelike beginsel sterk gevestig in die Suid-Afrikaanse regspraak. In die *Fletcher*-saak²⁵⁸ is dit bevestig as die belangrikste faktor ten opsigte van toegang, toesig en voogdyskap²⁵⁹.

Hoewel die beste belang-maatstaf erken word as die maatstaf wat gebruik moet word ten opsigte van kwessies rakende die regte van kinders, word die toepassing daarvan uit talle oorde gekritiseer. Die grootste punt van kritiek blyk die onbepaalde karakter daarvan te wees.²⁶⁰ Die maatstaf is vaag en nie noodwendig definieerbaar nie.²⁶¹ Die feit dat regterlike diskresie tot 'n

²⁵⁵ A 28(1).

²⁵⁶ A 28 (2).

²⁵⁷ Verenigde Nasies se Konvensie oor die Regte van die Kind; Afrika Handves oor die Regte en Welstand van die Kind; Haagse Konvensie oor die Siviele aspekte van Internasionale Kinderontvoering.

²⁵⁸ *Fletcher v Fletcher* 1948 (1) SA 130.

²⁵⁹ "Toesig" en "toegang" is as terme is deur die Kinderwet 38 van 2005 vervang; sien hoofstuk 2 en 4 hierbo.

²⁶⁰ Heaton 1990 *THRHR* 95.

²⁶¹ Heaton 1990 *THRHR* 98.

onregverdig, diskriminerende en subjektiewe toepassing van die beginsel kan lei, word ook as problematies beskou.²⁶² Sommige akademici bevraagteken ook die maatstaf as relevant in die Afrika konteks aangesien dit voorkom asof die prominensie van die gemeenskap vervang word deur klem op die kind.²⁶³

Ten spyte van kritiek teen die beste belang-maatstaf, het die hof tog die voorbeeld van die *Fletcher*-saak gevolg en dit is bevestig dat die beste belang van die kind 'n feitevraag is wat afhang van die omstandighede van elke saak.²⁶⁴ In 'n poging om die beste belang-maatstaf meer bepaald te maak en te definieer, is in *Van Deijl v Van Deijl*²⁶⁵ en *French v French*²⁶⁶ sekere waardes en kategorieë in ag geneem ter bepaling van die kind se belang.²⁶⁷ In *McCall v McCall*,²⁶⁸ 'n voogdyskapsaak, het King R egter vir die eerste keer 'n lys van faktore as riglyn ter bepaling van die beste belang van die kind, daargestel.²⁶⁹ Hierdie lys het nie statutêre bekragtiging geniet nie en die hof het steeds wye regterlike diskresie gehad aangesien die lys nie geslote is nie.²⁷⁰

Die insluiting van die beste belang-maatstaf in die Grondwet versterk verder die werking daarvan in die Suid-Afrikaanse regspraak. Artikel 28(2) bepaal dat "n kind se beste belang van deurslaggewende belang [is] in elke aangeleentheid wat die kind raak." Hierna moes die hof die belang van die kind in die konteks van artikel 28(2) interpreteer en benader. Hoewel daar oënskynlike kontrasterende uitsprake was ten opsigte van die beste belang-maatstaf, aangesien dit gesien is as 'n "right that is independent of those specified in section 28(1)"²⁷¹ aan die een kant en slegs as "a general guideline"²⁷² aan die ander kant, blyk dit tog asof dit as 'n reg erken word. In *De Reuck v Director of Public Prosecutions*²⁷³ word die beste belang-

²⁶² Bonthuys 2006 *International Journal of Law, Policy and the Family* 1; sien ook Woodhouse 1999 *Family Law Quarterly* 820 en *Van Rooyen v Van Rooyen* 1999 (4) SA 435 (C).

²⁶³ Mosikatsana 1998 *Michigan Journal of Race and Law* 346.

²⁶⁴ *B v E* 1992 (3) SA 438 (T); *Tromp v Tromp* 1956 (4) SA 738 (N).

²⁶⁵ 1966 (4) SA 260 (R).

²⁶⁶ 1971 (4) SA 298 (W).

²⁶⁷ Sien bespreking onder 2.2.3.

²⁶⁸ 1994 (3) SA 201 (C).

²⁶⁹ Sien lys van faktore onder 2.2.3.

²⁷⁰ "any other factor which is relevant to the particular case with which the Court is concerned" (205F).

²⁷¹ *Minister for Welfare and Population Development v Fitzpatrick* [2000] 7 BCLR 713 (CC), 2000 (3) SA 422 (CC).

²⁷² *Jooste v Botha* 2000 (2) SA 199 (T).

²⁷³ 2004 (1) SA 406 (CC) 432 par [55].

maatstaf as “constitutional right” bespreek en in *S v M*²⁷⁴ word die beste belang-maatstaf as ‘n reg bevestig deur Sachs J wat sê dat “...the question is not whether section 28 creates enforceable legal rules which it clearly does...”. Die beste belang as deurslaggewende maatstaf in beslissings rakende kinders, is egter nie verhoog tot ‘n absolute reg nie. In *Sonderup v Tondelli*,²⁷⁵ waar geargumenteer is dat die Haagse Konvensie met artikel 28(2) van die Grondwet bots in die sin dat dit die kind se korttermyn-belang beperk, het Goldstone R die regverdigbaarheid van so ‘n beperking in terme van artikel 36 van die Grondwet oorweeg. Daar is beslis dat die beperking wel geregverdig is in ‘n oop en demokratiese samelewing. In *S v M*, waar die beste belang van die kind in botsing was met die reg van die gemeenskap om beskerm te word teen die gevolge van misdaad, het Sachs J bevestig dat die deurslaggewendheid van die beste belang van die kind nie beteken dat hierdie belange absoluut is nie en dus wel beperk kan word.²⁷⁶

Die beste belang van die kind-maatstaf funksioneer dus wel as aparte reg en deurslaggewende maatstaf in terme van artikel 28 (2) van die Grondwet. Dit kan egter soos enige ander reg in die Handves van Regte, onderworpe wees aan beperking.

6.3 INTERNASIONALE BEPALINGS

Die Verenigde Nasies se Konvensie oor die Regte van die Kind, die Afrika Handves oor die Regte en Welstand van die Kind²⁷⁷ en die Haagse Konvensie oor die Siviele aspekte van Internasionale Kinderontvoering, is internasionale dokumente wat die belangrikheid van die beste belang-maatstaf ten opsigte van kwessies rakende kinders erken. Hierdie dokumente het ‘n direkte impak op die Suid-Afrikaanse Grondwet en wetgewing, aangesien Suid-Afrika al die genoemde bepalinge bekragtig het.²⁷⁸

Die beste belang maatstaf word nie in een van die internasionale konvensies gedefinieer of gekwalifiseer nie. Artikel 3 van die Konvensie oor die Regte van die Kind bepaal dat die beste belang van die kind ‘n primêre oorweging moet wees met betrekking tot alle aangeleenthede

²⁷⁴ 2008 (3) SA 232 (CC) par [14].

²⁷⁵ 2001 (1) SA 1171 (CC).

²⁷⁶ 2008 (3) SA 232 (CC) par [24].

²⁷⁷ Kortliks verwys na “Afrika Handves” in die res van die hoofstuk.

²⁷⁸ Suid Afrika ratifiseer die Konvensie oor die Regte van die Kind in 1995, die Afrika Handves in 2000 en die Haagse Konvensie in 1996.

rakende kinders. Artikel 4(1) van die Afrika Handves verwys na die beste belang van die kind as “the primary consideration”. Alhoewel albei dokumente bevestig dat die beste belang-maatstaf primêre oorweging moet geniet, dra dit meer krag in die Afrika Handves waar “the primary consideration” impliseer dat die beste belang die grootste enkele oorweging moet wees ten opsigte van kinders se belange. Artikel 28(2) van die Grondwet stem ooreen met die genoemde dokumente aangesien dit ook statutêre erkenning aan die beste belang-maatstaf verleen. Die bewoording van die aanhef van die Haagse Konvensie stem egter die meeste met dié van artikel 28(2)²⁷⁹ ooreen: “Firmly convinced that the interest of children are of paramount importance in matters relating to their custody”.²⁸⁰ Die beste belang van die kind-maatstaf word met nog meer prominensie benadruk.

Die belangrikheid van die kind se opinie is onlosmaaklik deel van die bepaling van die beste belang van die kind. Artikel 12 van die Konvensie oor die Regte van die Kind bepaal dat ‘n kind wat daartoe in staat is om sy eie opinie te vorm die reg het om hierdie opinies te lug ten opsigte van alle aangeleenthede wat die kind mag raak.²⁸¹ Die Afrika Handves verleen ook ‘n stem aan die kind. Volgens artikel 7 het die kind die reg om sy opinie te gee “in all matters”, terwyl artikel 4 bepaal dat in alle regs- en administratiewe prosedures wat die kind mag affekteer, die kind wat daartoe in staat is om sy opinie te lug, die geleentheid sal kry om dit direk of indirek te doen.²⁸²

Die finale Grondwet onderskryf al die genoemde beginsels en uiteindelik vorm die Grondwet en die internasionale dokumente ‘n grondslag vir die Suid-Afrikaanse Kinderwet.

6.4 DIE KINDERWET 38 VAN 2005

Die Kinderwet 38 van 2005 is in lyn met die benadering van internasionale konvensies en die Suid-Afrikaanse Grondwet ten opsigte van die beste belang van die kind. Reeds in artikel 2 van die Kinderwet word bevestig dat die oogmerk van die wet is “to give effect to the following constitutional rights of children namely-...that the best interest of a child are of paramount

²⁷⁹ Artikel 28(2) bepaal dat die beste belang van die kind van “deurslaggewend belang” moet wees.

²⁸⁰ Aanhef – Haagse Konvensie oor die Siviele Aspekte van Internasionale Kinderontvoering.

²⁸¹ A12(1).

²⁸² A 4(1).

importance in every matter concerning the child”.²⁸³ Artikel 9 herhaal en bevestig hierdie verbintenis.²⁸⁴

Vir die eerste keer in Suid-Afrikaanse wetgewing bied artikel 7(1) van die Kinderwet ‘n statutêre lys van faktore en riglyne om die beste belang van die kind te bepaal.²⁸⁵ Artikel 7 bepaal spesifiek dat “[w]henever a provision of this Act requires the best interest of the child standard to be applied”,²⁸⁶ die gelyste faktore in aggeneem moet word. Artikel 6 kwalifiseer hierdie bepaling aangesien dit bepaal dat in alle verrigtinge, aksies en besluite rakende ‘n kind, die beste van belang van die kind-maatstaf soos uiteengesit in artikel 7, gerespekteer en beskerm moet word.²⁸⁷ Dit stem ooreen met artikel 28(2) van die Grondwet en internasionale bepalinge waarvolgens die beste belang van belang is in “*elke aangeleentheid*”.²⁸⁸ Die lys van faktore in artikel 7(1) toon talle ooreenkomste met die *McCall*-lys. ‘n Noemenswaardige verskil tussen die twee, is die feit dat die lys in die Kinderwet geslote is, terwyl dié in *McCall* verwys na die moontlikheid om “any other factor which is relevant to the particular case”²⁸⁹ in ag te neem. Terwyl dit as ‘n beperking gesien kan word, poog die wetgewer tog om die beste belang van die kind te dien, aangesien dit in ‘n mate die onbepaalde karakter van die maatstaf vervaag. Dit stel rolspelers ten aansien van die beste belang van die kind sodoende in staat om meer spesifiek en gefokus die belang van die kind te bepaal.

6.5 VERGELYKENDE STUDIE TEN OPSIGTE VAN DIE FAKTORE OM DIE BESTE BELANG VAN DIE KIND TE BEPAAL

Nadat verskeie lande die Verenigde Nasies se Konvensie oor die Regte van die Kind onderteken het, is hul wetgewing ten opsigte van kinderrechte ook sodanig aangepas. ‘n Lys van faktore om die beste belang van die kind te bepaal, was ‘n invoeging by die meeste van die nuwe of gewysigde kinderrwette. Artikel 39 van die Grondwet van Suid-Afrika bepaal dat howe, tribunale en forums buitelandse reg in ag kan neem ten opsigte van die uitleg van die Handves

²⁸³ A 2(b)(iv).

²⁸⁴ A 9: “in all matters concerning the...child the standard that the child’s best interest is of paramount importance, must be applied”.

²⁸⁵ sien die faktore vervat in artikel 7(1) soos bespreek onder 4.2.

²⁸⁶ A 7(1).

²⁸⁷ A 6(2)(a).

²⁸⁸ Eie beklemtoning.

²⁸⁹ 1994 (3) SA 201 (C) 205.

van Regte.²⁹⁰ In die lig van artikel 28(1) en (2) van die Handves van Regte was dit dus sinvol om, tydens besprekings en konsepvorming ten opsigte van 'n nuwe kinderwet vir Suid-Afrika, te let op die benaderings van ander lande.

Die English Children Act of 1989 en die Australian Family Law Reform Act 1995 het beide lyste van faktore om die belang van die kind te bepaal. Beide kon dien as voorbeeld vir nuwe Suid-Afrikaanse wetgewing weens Suid-Afrika se koloniale verlede. Australië word ook gekonfronteer met dieselfde uitdagings as Suid-Afrika weens die land se sterk multikulturele karakter. Die kind se belang word erken as 'n "paramount consideration" in die English Children Act.²⁹¹ Dit stem ooreen met artikel 9 van die Suid-Afrikaanse Kinderwet. Die lyste van faktore in onderskeidelik die English Children Act en die Australian Family Law Reform Act toon sekere ooreenkomste²⁹² met die lys in artikel 7(1) van die Kinderwet, alhoewel die lys in die English Children Act redelik bondig is. Die hof word in albei jurisdiksies verplig om die faktore in ag te neem wanneer die kind se beste belang bepaal moet word.²⁹³ Artikel 68F²⁹⁴ van die Australian Family Law Reform Act en artikel 1²⁹⁵ van die English Children Act verwys na die kind se wense en dus indirek na die kind se reg op 'n opinie. Artikel 7(1) van die Kinderwet sluit nie die kind se wense as faktor in nie, maar tog maak artikel 10 van die wet daarvoor voorsiening dat die kind sy of haar mening kan lig aangaande aangeleenthede wat die kind raak. Die duidelikste verskil tussen artikel 7(1) se lys en dié gevind in Engelse en Australiese wetgewing, is die feit dat die lys van faktore in die Suid-Afrikaanse Kinderwet geslote is, terwyl die English Children Act 'n "range of powers"²⁹⁶ aan die hof toeken, wat die werking van die bepaling dus nie net beperk tot die genoemde faktore nie. Die Australian Family Law Reform Act maak spesifiek melding van "any other fact or circumstance"²⁹⁷ wat die hof kan oorweeg.

Suid-Afrika was een van talle Afrika-state wat die Konvensie oor die Regte van die kind geratifiseer het. Lande wat leiding geneem het ten opsigte van die ontwikkeling en wysiging van kinderregte, was Uganda, Ghana en Kenia²⁹⁸. Hierdie lande se kinderregwetgewing

²⁹⁰ A 39(1)(b).

²⁹¹ A 1(1)(b).

²⁹² Sien bespreking onder 5.2 en 5.3.

²⁹³ A 1(3) van English Children Act 1989 en 68F(1) van die Australian Law Reform Act 1995.

²⁹⁴ A 68F(2)(a).

²⁹⁵ A 1(3).

²⁹⁶ A 1(3)(g).

²⁹⁷ A 68F(2)(l).

²⁹⁸ Ugandan Children Statute 1996; Kenyan Children Act 2001; Ghanaian Children Act 2005.

verleen net soos die Suid-Afrikaanse Grondwet²⁹⁹ en die Suid-Afrikaanse Kinderwet,³⁰⁰ prominensie aan die beste belang-maatstaf. Die Ugandan Children Statute 1996 bepaal dat “the child’s welfare shall be of the paramount consideration”.³⁰¹ In die Kenyan Children Act 2001 word die beste belang van die kind onderskeidelik erken as “a primary consideration”³⁰² en “first and paramount consideration.”³⁰³ So ook bepaal artikel 2(1) van die Ghanaian Children Act 2005 dat die beste belang van die kind “shall be paramount in any matter concerning the child” en artikel 2(2) verwys na die beste belang as “the primary consideration”. Genoemde kinderwette bevat ook elk ‘n lys van faktore ter bepaling van die beste belang van die kind. Daar is sterk ooreenkomste tussen die faktore in die English Children Act en die Ugandan Children Statute.³⁰⁴ Die kinderwette van die onderskeie Afrika-state stem ooreen met mekaar in soverre die kind se wense en dus opinies in ag geneem moet word. Die Ugandan Children Statute,³⁰⁵ sowel as die Kenyan Children Act³⁰⁶ maak melding van die “ascertainable wishes ...of the child”, terwyl artikel 45 van die Ghanaian Children Act verwys na die “views of the child”.³⁰⁷ Dit staan in kontras met die Suid-Afrikaanse Kinderwet wat geensins in die faktore melding maak van die kind se opinie of wense nie. Waar die Kinderwet se lys van faktore geslote is, wil dit voorkom asof die Ugandan Children Statute ook ‘n geslote lys het. Nêrens word melding gemaak van ander faktore of die hof se uitgebreide diskresie nie. In die Kenyan Children Act is “the best interest of the child”³⁰⁸ slegs een van die talle faktore gelys, wat myns insiens impliseer dat meer as net die genoemde faktore oorweeg moet word. Die lys van faktore in die Ghanaian Children Act is egter duidelik nie geslote aangesien daar verwys word na “any other factor” wat ‘n gesinstribunaal moet oorweeg.³⁰⁹

In die Verenigde State van Amerika is faktore wat in ag geneem moet word met betrekking tot voogdyskap en die belange van kinders deel van onderskeie state se wetgewing of deur houe bepaal. Onlangse wysigings in verskeie state se kinderregwetgewing sluit ook statutêre faktore

²⁹⁹ A 28(2).

³⁰⁰ A 2.

³⁰¹ A 1; sien ooreenkoms met bewoording in artikel 28(2) van die Suid-Afrikaanse Grondwet en artikel 1(b) van die English Children Act 1989.

³⁰² A 4(2).

³⁰³ A 4(3).

³⁰⁴ Vergelyk a1(3)(a)-(g) van die English Children Act met die First Schedule van die Ugandan Children Statute 1996.

³⁰⁵ First Schedule Ugandan Children Statute 1996, factor (a).

³⁰⁶ A 83 (1)(d).

³⁰⁷ A 45 (2)(c).

³⁰⁸ A 83(1)(j).

³⁰⁹ A 45(2)(f).

ten aansien van die beste belang-maatstaf in. Wat noemenswaardig is, is dat hierdie lyste, ten spyte van die feit dat hul baie uitgebreid en gedetailleerd is, nie geslote is nie. In Connecticut moet howe die beste belang van die kind in ag neem “and in doing so may consider, but shall not be limited to one or more of the following factors”.³¹⁰ Artikel 61.13(3) van die Florida Statute bepaal ook dat “[d]etermination of the best interest of the child shall be made by evaluating all of the factors...but not limited to.”In beide state se lyste van faktore word daarwee eens ook melding gemaak van die kind se wense of voorkeur.³¹¹

Dit is duidelik dat artikel 7 van die Suid-Afrikaanse Kinderwet beïnvloed is deur genoemde lande se kinderregwetgewing. Die verskille wat egter uitstaan, is die feit dat artikel 7(1) se lys van faktore nie melding maak van die wense, opinie of voorkeur van die kind. Die lys is ook in kontras met meerderheid van die ander lande se wetgewing, geslote.

6.6 FINALE GEVOLGTREKKING

Daar is al na die beste belang-maatstaf as “a hopelessly ambitious standard that asks the impossible”³¹² verwys. Tog is dit duidelik dat die beste belang-maatstaf se invloed en werking versterk en bevestig is deur nasionale en internasionale instrumente ten aansien van die belange van kinders.³¹³ Die Kinderwet bevestig so ook die beste belang-maatstaf as standaard ten opsigte van die bepaling van kinders se belange. Myns insiens voldoen hierdie wet aan artikel 28(2) van die Grondwet. Artikel 8 van die Kinderwet bepaal dat die regte van kinders in terme van die wet, die regte wat ‘n kind het in terme van die Handves van Regte, aanvul.³¹⁴ Artikel 28 van die Grondwet bepaal dat “‘n kind se beste belang van deurslaggewende belang [is] in elke aangeleentheid wat die kind raak”.³¹⁵ Die beste belang van die kind word dan spesifiek in artikel 7 en artikel 9 van die Kinderwet benadruk. Indien hierdie twee bepalinge saamgelees word, voldoen dit aan artikel 28(2) van die Grondwet. Artikel 9 van die Kinderwet ego die vereiste ten aansien van die toepassing van die beste belang-maatstaf soos bepaal in artikel 28(2).³¹⁶ Artikel 7 lys Faktore ter bepaling van die beste belang-maatstaf. Genoemde

³¹⁰ A 46b-56(c).

³¹¹ A 46b-56(c)(3) van die Connecticut-Statute en A61.13(3)(i) van die Florida Statute.

³¹² Mnookin 1975 *Law & Contemp.Probs* 282.

³¹³ Van Heerden *Boberg’s Law of Persons and the Family* 503.

³¹⁴ A 8(1).

³¹⁵ A 28(2).

³¹⁶ A 9 “In all matters concerning the care, protection and well-being of the child the standard that the child’s best interest is of paramount importance, must be applied”.

artikels stem nie net ooreen met die Grondwet nie, maar dit gaan selfs verder deur die beste belang as reg te verduidelik en omskryf.

Die lys van faktore in artikel 7 stem ook ooreen met die benaderings gevolg deur talle ander jurisdiksies.³¹⁷ Die een groot punt van kritiek is egter dat hierdie lys geslote is. Ek dink nie dit bring die Kinderwet se grondwetlikheid in gedrang nie, maar dit verswak tog myns insiens die werking daarvan, aangesien die wetgewer se “oversight”³¹⁸ ‘n beperking plaas op die diskresie van rolspelers om die beste belang van die kind te bepaal. Dit kon vir seker nie die bedoeling van die wetgewer gewees het nie. In die Konstitusionele Hof is ook gewaarsku teen “a predetermined formula”³¹⁹ en “exhaustive content”³²⁰. Daar word dus aan die hand gedoen dat in toekomstige wysigings ten aansien van die Kinderwet, die beste belang-maatstaf soos bepaal deur artikel 7, hersien moet word. Alhoewel die lys waardevol is ter bepaling van die beste belang van die kind, moet dit voldoen aan die “flexible”³²¹ karakter van die standaard en moet dit dus nie geslote wees nie.

Die feit dat die artikel 7-lys nie melding maak van die kind se opinie of wense, soos dié van ander jurisdiksie nie, is volgens my nie problematies nie, aangesien artikel 10 van die Kinderwet die belang van die kind ten opsigte van sy of haar opinie aanspreek en dus artikel 7 so aanvul.³²²

Uit akademiese oorde is daar verdere algemene punte van kritiek teen die Kinderwet. Daar word onder andere melding gemaak van die die feit dat “kinderregte...inisiatiewe [vereis] oor veel breër front as net wetgewing”.³²³ Die finale produk word ook in die lig van die oorspronklike

³¹⁷ Sien hfst 5.

³¹⁸ Ferreira 2010 *THRHR* 212.

³¹⁹ 2008 (3) SA 232 par 24.

³²⁰ 2000 (3) SA 422 (CC) par [18].

³²¹ 2000 (3) SA 422 (CC) par [18].

³²² A 10.Deelneming van kind.–

Elke kind van sodanige ouderdom, volwasseheid en fase van ontwikkeling dat hy of sy in staat is om deel te neem aan enige aangeleentheid betreffende daardie kind het die reg om op enige gepaste wyse deel te neem en behoorlike oorweging moet gegee word aan sienswyses wat deur die kind uitgespreek is.

³²³ Human *Die invloed van die Begrip Kinderregte op die Privaatregtelike Ouer-Kind Verhouding in die Suid-Afrikaanse Reg* (LLD Thesis 1998 US) 216.

wetsontwerp gekritiseer, in die sin dat die wetsontwerp “has...undergone many changes and is a pale shadow of its former self.”³²⁴

Die Kinderwet is volgens my ten spyte van moontlike kritiek soos hierbo bespreek, ‘n sinvolle toevoeging tot Suid-Afrikaanse wetgewing. Die erkenning van die beste belang-maatstaf en die invoeging van ‘n statutere lys van faktore bring Suid-Afrikaanse kinderregwetgewing in lyn metinternasionele en nasionale kinderreg dokumente. Die belang van die kind in die Suid-Afrikaanse konteks word dus gedien, soos beoog deur artikel 28 van die Grondwet.

³²⁴ Allsop “The Children’s Bill has Lost its Soul” (<http://www.cyc-net.org/features/ft-SAchildbilleditorial.html>) (gebruik op 12 Oktober 2012).

BIBLIOGRAFIE

BOEKE:

Boberg PQR *The Law of Persons and the Family* (1977) Juta Cape Town

Boezaardt T(ed) *Child law in South Africa*(2009)Juta Cape Town

Bosman-Sadie H&Corrie L *A Practical Approach to the Children's Act* (2010) LexisNexis Durban

Cockrell A "The Law of Persons and the Bill of Rights" in *Butterworth's Bill of Rights Compendium* (1996) Butterworths Durban

Currie I& De Waal J(eds) *The Bill of Rights Handbook* (2005)Juta Cape Town

Davel CJ (ed) *Introduction to Child Law in South Africa* (2000) Juta Cape Town

Davel CJ& Skelton AM (eds) *Commentary on the Children's Act* (2007) Juta Cape Town

De Waal J, Currie I & Erasmus G *The Bill of Rights Handbook* (2000)Juta Kenwyn

Heaton J *Die Suid-Afrikaanse Familiereg* (2010) LexisNexis Butterworths Durban

Heaton J *Vonnisbundel oor die Suid-Afrikaanse Familiereg* (2010) LexisNexis Butterworths Durban

Van Heerden B, Cockerell A & Keightly R (eds) *Boberg's Law of Persons and the Family* 2nd ed (1999) Juta Kenwyn

TYDSKRIFARTIKELS:

Anderson A&Spijker A "Considering the View of the Child when Determining her Best Interest" 2002 *Obiter* 364

Appel A & Boyer B "Parental Rights vs. Best Interest of the Child: a False Dichotomy in the Context of Adoption 1995 *Duke Journal of Gender Law and Policy* 63

Barrat A "The Child's Right to be Heard in Custody and Access Determinations" 2002 *Tydskrif vir Hedendaagse Romeins-Hollandse Reg*556

Barrat A & Burman S "Deciding the Best Interest of the Child: an Internasional Perspective on Custody Decision-Making 2001 *South African Law Journal* 556

Bekink B& Bekink M "Defining the Standard of the Best Interest of the Child: Modern South African perspectives" 2004 *De Jure*21

Bonthuys E "Of Biological Bonds, New Fathers and the Best Interest of Children" 1997 *South Africab Journal of Human Rights*622

Bonthuys E "The Best Interests of Children in the South African Constitution" 2006 *International Journal of Law, Policy and the Family* 23

Charlow A "Awarding Custody: The Best Interest of the Child and Other Fictions" 1987 *Yale Law and Policy Review* 267

Clark B "A 'Golden Thread'? Some Aspects of the Application of the Standard of the Best Interests of the Child in South African Family Law" 2000 *Stellenbosch Law Review* 3

Clark B "Competing Custody Rights: New Concepts of Family' and the Best Interests of the Child" 1998 *Comparative and International Law Journal of South Africa* 288

Clark B "Custody: The Best Interest of theChild" 1992 *South African Law Journal*391

Cochran RF "The Search for Guidance in Determining the Best Interests of the Child at Divorce: Reconciling the Primary Caretaker and Joint Custody Preferences" 1985 *University of Richmond Law Review* 1

Crouch R "An Essay on the Critical and Judicial Reception of *Beyond the Best Interest of the Child*" 1980 *Family Law Quarterly* 49

Davel CJ "The African Charter on the Rights and Welfare of the Child, family law and children's rights" 2002 *De Jure* 281

Elster J "Solomonic Judgments: Against the Best Interest of the Child" 1987 *University of Chicago Law Review* 1

Ferreira S "The Best Interests of the Child: From Complete Indeterminacy to Guidance by the Children's Act" 2010 *Tydskrif vir Hedendaagse Romeins-Hollandse Reg* 201

Heaton J "Some General Remarks on the Concept 'Best Interest of the Child'" 1990 *Tydskrif vir Hedendaagse Romeins-Hollandse Reg* 95

Jordaan DW "Homoseksuele Ouerskap: 'n Grondwetlike Analise" 1998 *De Jure* 302

Kassan D "The Voice of the Child in Family Law Proceedings" 2003 *De Jure* 165

Mnookin R "Child Custody Adjudication: Judicial Functions in the Face of Indeterminacy" 1975 *Law and Contemporary Problems* 282

Mosikatsana T "Children's Rights and Family Autonomy in the South African contexts: a Comment on Children's Rights under the Final Constitution" 1998 *Michigan Journal of Race and Law* 341

Robinson JA "Die Beste Belang van die Kind na Egskeiding - Enkele Gedagtes na aanleiding van *McCall v McCall*" *Tydskrif vir Hedendaagse Romeins-Hollandse Reg* 472

Sloth-Nielsen J “New Child Care and Protection Legislation for South Africa? Lessons from Africa” 1997 *Stellenbosch Law Review* 261

Sloth-Nielsen J “Ratification of the United Nations Convention on the Rights of the Child: Some implications for South African law” 1995 *South African Journal of Human Rights* 401

Visser PJ “Some Ideas on the ‘Best Interest of a Child’ Principle in the Context of Public Schooling” 2007 *Tydskrif vir Hedendaagse Romeins-Hollandse Reg* 459

Woodhouse BB “Child Custody in the Age of Children’s Rights: The Search for a Just and Workable Standard” 1999 *Family Law Quarterly* 815

INTERNET

http://www.childwelfare.gov/systemwide/laws_policies/statutes/best_interest.cfm (gebruik 12 Oktober 2012)

<http://www.cyc-net.org/features/ft-SAchildbilleditorial.html> (gebruik 12 Oktober 2012)

<http://ezinearticles.com/?Floridas-New-Best-Interest-of-the-Child-Factors&id=1354996> (gebruik op 14 Oktober 2012)

INTERNASIONALE DOKUMENTE

Afrika Handves oor die Regte en Welstand van die Kind (1990)

Haagse Konvensie oor die Siviele Aspekte van Internasionale Ontvoering (1980)

Verenigde Nasies se Konvensie oor die Regte van die Kind (1989)

WOORDEBOEKE

Odendal (red) *Verklarende Handwoordeboek van die Afrikaanse Taal* (1991) PERSKOR.

ANDER

Boniface *Revolutionary Changes to the Parent-Child Relationship in South Africa, with Specific Reference to Guardianship, Care and Contact* 325 (ongepubliseerde proefskif UP)

Human *Die Invloed van die Begrip Kinderregte op die Privaatregtelike Ouer-kind-verhouding in die Suid-Afrikaanse Reg* (LLD Thesis 1998 US) 216

Parliamentary Briefing Paper 77 *Review of the Child Care Act 2002*

Parliamentary Briefing Paper 153 *The Children's Act 2006*

South African Law Commission *First Issue Paper on the Review of the Child Care Act* Issue Paper 13 Project 110 (1998)

South African Law Commission *Discussion Paper 103 on the Review of the Child Care Act* Project 110 (2001)

SAKELYS

B v E 1992 (3) SA 438 (T)

Bv S 1995 (3) SA 571 (A)

Bannatyne v Bannatyne 2003 (2) SA 363 (KH)

Calitz v Calitz 1939 AD 56

Cronje v Cronje 1907 TPD 871

De Reuck v Director of Public Prosecutions, Witwatersrand Local Division 2004 (1) SA 406 (KH)

F v F 2006 (1) All SA 571 (HHA)

F v L 1987 (4) SA 525 (W)

Fletcher v Fletcher 1948 (1) SA 130 (A)

Fraser v Naude 1998 (11) BCLR 1357 (KH)

French v French 1971 (4) SA 298 (W).

Grootboom v Oostenberg Municipality 2000 (3) BCLR 277 (KH)

Hay v B 2003 (3) SA 492 (W)

Hlope v Mahlalela 1998 (1) SA 449 (W)

Jooste v Botha 2000 (2) SA 199 (T)

Kotze v Kotze 2003 (3) SA 628 (T)

Laerskool Middelburg v Departementshoof, Mpumalanga Department van Onderwys 2003(4) SA 160 (T)

Lovell v Lovell 1980 (4) SA 90 (T)

McCall v McCall 1994 (3) SA 201 (C)

Minister for Welfare and Population Development v Fitzpatrick 2000 (7) BCLR 713 (KH)

Naude v Fraser 1998 (3) All SA 239 (A)

S v F 1982 (2) SA 580 (T)

S v M 2008 (3) SA 232 (KH)

Shawzin v Laufer 1968 (4) SA 657 (A)

Simey v Simey 1881 (1) SC 171

Sonderup v Tondelli 2001 (1) SA 1171 (KH)

Tromp v Tromp 1956 (4) SA 738 (N)

Van Deijl v Van Deijl 1966 (4) SA 260 (R)

Van Rooyen v Van Rooyen 1999 (4) SA 435 (C).

WETGEWING

Australië

Australian Family Law Reform Act 1995

Family Law Act 1975

Engeland

English Children Act 1989

Ghana

Ghanaian Children Act 2005

Kanada

Canadian Children's Law Reform Act 1990

Kenia

Kenyan Children Act 2001

Suid-Afrika

Grondwet van die Republiek van Suid Afrika, 1996

Kinderwet 38 van 2005

Wet op Kindersorg 74 van 1983

Uganda

Ugandan Children Statute 1996

Verenigde State van Amerika

Connecticut General Statutes 2007

Florida Statutes 2008

Michigan Child Custody Act 91 of 1970